


UKABONI PA NYANJA

 Pambere ise tindasindamiske mitu yithu kuti tirombe, ine nkikhumba kuti ndiŵazge Mazgu ghanyake gha Chiuta. Ine nyengo zose nkhutemwa kuŵazga Mazgu Ghake; chifukwa mazgu ghane ghatondekenge, igho nga munthu, kweni Mazgu Ghake ghangatondeka yayi. Ndipo imwe mwaŵeneimwe mukurondezga mauthenga, na vinyake nthaura, tiyeni tiŵazge kufuma mu Mateyu chipatulo 14, usiku uwu, kuyambira vesi 22.

Ndipo penepapo Yesu wakuŵakoserezga ŵasambiri ŵake kuti ŵanjire mu sitima, na kuti ŵadangire panthazi kuruta kusirya linyake, apo iyo wakatuma mzinda kutali.

Ndipo para iyo wakati watuma mzinda kutali, iyo wakaruta mu phiri kwayekha kukaromba: ndipo para . . . mise yikati yafika, iyo wakaŵa kula yekha.

Kweni sitima sono yikaŵa pakatikati pa nyanja, yikagwedezgeka na majigha: pakuti mphepo yikarutanga kunyake.

Ndipo mu ulinda wa chinayi wa usiku Yesu wakaruta kwa iwo, wakwenda pa nyanja.

Ndipo para ŵasambiri ŵakati ŵamuwona iyo wakwenda pa nyanja, iwo ŵakawopa, ŵakati, Ndi mzimu; ndipo iwo ŵakachemerezga na wofi.

Kweni penepapo Yesu wakayowoya kwa iwo, kuti, Muŵe ŵakusekerera; Ndine; kuchita mantha yayi.

2 Tiyeni tisindamiske mitu yithu sono kuti tirombe. Apo mitu yithu na mitima njakusindama panthazi pa Chiuta, kasi chiripo chakusoŵeka mu nyumba, usiku uwu, icho imwe mukukhumba kuti chimanyikwe kwa Chiuta, pa kuchita kukwezga mawoko ghinu muchanya, na kukumbukirika mu kuromba? Fumu yimulaŵiskeni imwe, yitichitire lusungu ise.

3 Ŵadada ŵithu Ŵakuchanya, ise tikwiza sono mu Kuŵapo Kwinu, pa kwiza mu Zina la Fumu Yesu. Kumanyanga, na chisimikizgo chakutumbikika, icho Iyo wakatilayizga ise, usange ise “tirombenge chirichose” mu Zina Lake, kuti Imwe muperekenge ichi kwa ise. Ise ndise ŵakuwonga chomene pa ichi. Mazgu ghangawoneska yayi umo ise tikupulikira za ichi, na chisimikizgo icho ise tiri nacho, kuti Imwe mukutipulika ise sono nthena.

4 Imwe mukughawona mawoko agho, Fumu. Imwe mukumanya icho iwo ŵakukhumba. Imwe mukumanya chirichose, mwankhongono zose, Chiuta wambula mphaka, ndipo ise tikumanya kuti Imwe mukuyimanya mitima ya

wanthu. Imwe mukaghamanya maghanoghano ghithu. Nanga ndi pambere ise tikaŵa tindalengeke, Imwe mukamanya ghanoghano lirilose ilo ise tizamkuŵa nalo, pakuti Imwe mulije mphaka.

⁵ Ndipo ise tikuromba, Fumu, pa ora ili, apo vyakukhumba vithu vikupenja Imwe, laŵiskani pasi kufuma Kuchanya, Fumu, ndipo torerani vyakupempha vithu ku mtima Winu Mwaŵene, Fumu, ndipo mutizgore ise kwakulingana na mausambazi Ghinu mu Uchindami. Mutipe ise kukhumba kwa mtima withu, kugomezganga kuti ndi khumbo Linu Lauzimu. Ndipo ise tikumanya kuti ndi kukhumba Kwinu kuweme kuchita khumbo Linu.

⁶ Mutipe ise kupunguka kukuru kwa Kuŵapo Kwinu, usiku uwu, kamosaso Fumu. Chizgani ŵarwari. Ponoskani ŵakutayika, wuskani iwo ŵeneawo ŵafwira mu kwananga na mauheni, ndipo muŵawuskire iwo ku Umoyo uphya, usiku uwu. Uli mphanyi ise timuwone Yesu. Ise tikuromba ichi mu Zina Lake. Amen.

⁷ Imwe mungamanya kukhala pasi. Ise tikuphepeska kuti tatondeka kuŵasangira malo wanthu, ghakuti ŵakhalepo. Kweni, kufuma pa usiku wakudanga, iwo ŵakuyowoya kuti ŵakachita kuwezga mizinda yikuru ya wanthu, ntheura ise tikuphepeska pa icho. Ndipo M'bale Grant wakatondeka kusanga chipinda chinyake chakusazgirako, panji, kuti... Ine nkhuomezga nkhumazere uko iyo wasazgirengeko lwande ili. Wakutemweka, m'bale wakutemweka muhanyauno wangundifumba ine usange ine ningapanga ichi chinthu cha chirimika chirichose, kuti ndiwerereso ku Dallas, ku mpingo wake. Ntchemo yikuru ngati iyo, mu ora ili, apo miryango yikujarika mwaluŵiro chomene, ndipo ntheura mwanarumi uyu wakukhumba kuti ine nkheziso na kupanga ichi chinthu cha chirimika chirichose, chakuchitika. Ine nkhuwonga icho.

⁸ Ine nanguŵa na nyengo ya wenenawene na iwo mlenji uwu, na M'bale Gordon Lindsay na wanandi ŵa iwo. M'bale Pearry Green, uyo ndi wakulipilira ungano uwo uzamkuŵa kusika ku Beaumont, wakhala kumanyuma kwane uku usiku uwu. Ndipo wanandi, ŵabwezi withu, M'bale Don na muwoli wake. Ise ndise ŵakukondwa chomene kuŵa na iwo kuno. Fumu yiŵatumbike iwo.

⁹ Sono, usiku uwu, mbwenu... Ine nakhala nkhuwezga kupanga Mauthenga ghane mwakuphweka waka umo igho ghangamanya kuŵira, mwakuti nanga ndi mwana wangamanya kughapulikiska igho.

¹⁰ Namachero kumuhanya ndi chisopo cha uvangeli, ndipo ine nkhuukhumba kuti mose muzakafike.

¹¹ Sono usange imwe muli na visopo ku matchilitchi kwinu, chifukwa, imwe—imwe khalani uko imwe muli—uko imwe

mukukhala. Ise tikukhumba yayi munyake kuti wafumeko ku mpingo wawo, kuti . . . Ndipo ntheura usange iwe warwara ndipo ukukhumba kwiza kuti urombereke, ndipo mpingo wako uŵenge na chisopo namachero kumuhanya, yowoya kwa mliska wako za ichi, mwakuti iyo waleke kughanaghana mwaujira, imwe mukumanya. Rekani iyo wamanye kuti ise tiri kuno mu kukoleranako, kuti—kuti tivwire Thupi lose la Yesu Khristu ilo likupanjwa muno mu Dallas na kunyake kulikose.

¹² Ntheura, namachero kumuhanya, ine nkhughanaghana, pa thū-sate, ine ndizamupharazga Uthenga wa uvangeli. Ndipo pamanyuma ise tizamrombera ŵanthu wose ŵarwari, mutore makadi ghose ghamapemphero na vinthu ivyo vikalekeka mu sabata yose, ndipo tizakarombere vyose namachero.

¹³ Sono chisambizgo chane usiku uwu chiri pafupifupi ngati seŵero pachoko, pa nyengo zichoko waka. Ndipo ine niyezgenge kutora ŵanandi chomene usiku uwu umo ine ningachitira, pa kurombera ŵarwari. Mutu wane ndi, “kuchita mantha yayi, Ndine,” Yesu wakuyowoya. Chisambizgo chane ndi: *Ukaboni Pa Nyanja*.

¹⁴ Kukenera kuti yikaŵa pafupifupi kumuhanya chomeniko, zuŵa likenera kuti likanjiranga para ichi chikachitikanga, ndipo sono kukenera kuti likaŵa dazi lakotcha ngati ndiumo kuliri kuno.

¹⁵ Chakuzizimiskira mphepo chanangika, ndipo iwo ŵakuchinozga ichi. Ndicho chifukwa ine nangusintha chisambizgo chane kufuma kuwaro kula, icho ine nate ndiyowoyenge, ntheura ine ningamanya kufulumizga ichi, ntheura imwe mungakhalanga mu chithukivu ngati ichi yayi.

¹⁶ Mulovi mukuru uyu, para wakati wawona icho iyo wakachita dazi lose lira, wakhala wakumuwona Yesu mu utumiki Wake ukuru.

¹⁷ Ine nthena nkhatemwa kuti nthena nkakhala mu nyengo yira, kumurodezga Iyo. Kweni, imwe mukumanya, ine ndine wakukondwa nichali na mwaŵi wakuchita chinthu chenechira, kumuwona Iyo wakuchita vinthu. Ndipo ntchakuzirwa kumuwona Iyo muhanyauno kuruska umo kukaŵira kale. Ine ndiri na chipulikano chikuru mwa Iyo sono, ndipo nkhumanya kuŵa na chipulikano chikuru sono kuruska icho ine nthena nkhaŵa nacho kale, chifukwa ise tiri kuŵa na virimika thu sauzandi vyakusimikizgira kuti Ivangeli ndauneneko. Ndipo pamanyuma pa virimika thu sauzandi, Iyo ndi wamoyo ndithu, kuchitanga waka ngati ndiumo Iyo wakachitira kale, ntheura ise tiri na chisimikizgo chikuru na lufura likuru ku chipulikano sono kuruska icho iwo ŵakaŵa nacho kale.

¹⁸ Chifukwa, Iyo wakaŵa waka Munthu kwendendekanga na mayowoyero ghakuti—ghakuti Iyo wakatumika kufuma kwa Chiuta ndipo wakaŵa Mwana wa Chiuta, ndipo kuti

Chiuta wakakhozgeranga Mazgu Ghake ghakulayizgika gha nyengo yira, na Iyo, ndipo iwo wakaŵa nacho chifukwa cha kukayikira ichi. Wakisambira vyauchiuta, iwo wakaŵako! Ndipo imwe wonani ichi chikaŵa chinthu chachitima, ichi chikaŵa chachitima chomene, chifukwa wakisambira vyauchiuta wara nthena wakagomezga Chira usange Chiuta wakaburumutizgenge yayi maso ghawo. Baibolo likayowoya ntheura.

¹⁹ Ndipo kasi imwe mukamanya kuti Iyo wakalayizga kuti Iyo waburumutizgenges maso ghawo muhanyauno, mwakuti iwo waleke kuchiwona Ichi? Iwo wawenge “wakujitemwa, wakujitunthumuska, wakutemwa vyakukereska kuruska kutemwa Chiuta, wambula kupulikira wapapi, wakuchombora wanyawo, wambula kujikora, wakunyoza iwo weneawo mbaweme; wakuŵa na kawiro kauchiuta, kweni wakukana Nkhongono yake.” Nkhanira ndendende phangano lafikaso. Ndipo imwe mungachita chinyake yayi kweni kuwachitira waka chitima wanthu, ndipo maso ghawo ghakuburumutizgika kukika dazi ili. Na Malemba agho Chiuta wali kulayizga kuti vizamkufiskika nkhanira mu nyengo iyi, mu ora ili, ndipo ise tikulaŵiska nkhanira pa ichi ndipo tikuchiwona ichi. Ndipo ntheura wanthu wakulaŵiska, ndipo wakupukunya mutu wawo ndipo wakufumapo, wakuti, “Ine nkuchiwona yayi Ichi.” Ndi chinthu chachitima, kweni Malemba ghakwenera kuti ghakwaniriskike. Ichi chikwenera kuŵa ntheura.

²⁰ Ntheura wasambiri aŵa wakasankhika na Chiuta. Kasi imwe mwanguwona, Yesu wakaŵaphalira iwo, “Pambere charu chindaŵeko,” Iyo wakaŵasankha iwo, ndipo iwo wakaŵa mbewu yakukhozgeka ya Chiuta. Ndicho chifukwa para masuzgo ghakati ghafika, ndipo wanthu wakawoneka ngati kuti Yesu wakaŵa pa kubisika, pa kumukayikira, pakaŵavye kukayika kwa iwo. Iwo wakapulikiska yayi ichi, kweni iwo wakanozgeka kumanya chirichose yayi kweni Iyo. “Imwe pera ndimwe muli na Mazgu gha Umoyo.” Ndipo iwo wakanozgeka kukhala na Ichi, chifukwa iwo wakakhozgekeru ku ntchito yira.

²¹ Ndipo ntheura ndimo kuliri muhanyauno, kuti wanarumi na wanakazi, awo mbakukhozgekeru ku Umoyo Wamuyirayira, wafikenge ku Umoyo Wamuyirayira. “Wose awo Wadada wali kundipa Ine wizenge kwa Ine.” Agha ndi Mazgu Ghake, ndipo icho chingatondeka yayi. Ichi ndi—ichi ndi Mazgu gha Chiuta.

²² Ndipo ise tikuwona wasambiri aŵa sono, awo wakaŵa na ungoro ukuru dazi lira, uko ku mlimo ukuru mumphepete mwa phiri. Ndipo Yesu wakaŵaphalira iwo, “Sono imwe mudangireko mumphepete mwa nyanja, kunthazi kwa Ine.” Ndipo Iyo wakarutanga muchanya mu phiri, yekha, kukaromba. Ndipo wasambiri aŵa, wakati wakumana na wabwezi, ine nkhumanya kulingalira umo iwo wakapulikira.

23 Chifukwa, kukumana na wabwezi, ndipo pamanyuma kupatukana na wabwezi; pa nyengo waka apo mukwamba kumanyana, mbwenu imwe mukwenera kulayirana. Ndipo icho nyengo zose chakhala chakupweteka mtima wane, mu fuko, charu zingirizge, nakhala nkhumana na wabwezi ndipo pamanyuma kulekananga nawo, kumanyanga kuti pali wanandi awo ukumanenge nawo yayi mpaka ukakumane nawo pa Cheruzgo. Chikuwa ngati chinthu chachitima ntheura.

24 Ine nkhumanya kulingalira boti, na a—kunthazi kwa ili kwakoroŵekeka ku mtunda. Ndipo wakenera kuti wakaŵa Simon Petros, na mawoko ghakuru ghakujintcha na mapewa, uyo wakazweteska boti ndipo wakalirongozgera ili mu nyanja. Ndipo wose wakabayiskanga kwa awo wakaŵa pa mtunda. Ndipo iwo wakachemerezganga, “Mukizeso ndipo mukize na Bwana kuno kuti wazakatiwone ise! Ndipo mwize tizakaŵe na chisisimuso chinyake; ise tatumbikika chomene muhanyauno!” Ndipo wabwezi waphya kubabayiskanga. Ndipo Iyo wakajumpha wasambiri wanyake wose, ndipo wakakhala pasi panyake kumphepete kwa munung’una wake, Andrey, ndipo wakatora nkhafu.

25 S—sitima zikayendeskeka na mphepo panji na nkhafu izo iwo wakavuwa. Ndipo panyake iwo wakakhalanga waŵiri mu boti, waŵiri mumphepete, ndipo iwo mbwenu... panji waŵiri mu mpando umoza, mphanyiko, panyake vyakuvuwira sikisi panji eyiti. Iwo wakavuŵanga mu nyengo yimoza, ndipo mwantheura iwo wakamanyanga kurongozgera boti mu nthowa yake para zimphapo zikafika. Ntheura, para mphepo zikuputa makora waka, iwo mbwenu wakakwezganga ndembera, na kurutanga.

26 Kukenera kuti kukaŵa kumuhanya kwakotcha, kufumira mu kawonekero ka Lemba pambere ichi chindachitike, ndipo ntheura kukenera kuti kukatima chomene, zuwa mbe, kumuhanya kwakotcha. Zuwa likanjiranga. Ndipo iwo, apo iwo wakavuŵanga, ndipo pamanyuma wakalekezga ndipo wakabayiska ku wanthu, “Tikugomezga kuzakamuwonaniso imwe nyengo yinyake,” apo iwo wakanjiranga mu nyanja. Ndipo zuwa likanjira, ndipo kuwara kwakumise, ndipo pakati pajumpha kanyengo a—mdima ukafika.

27 Ndipo iwo wakenera kuti wakaŵa pa spidi yikuru ya—ya kuvuwa, ndipo yira ndi ntchito yinonono para nkhafu zikuru zira zanjira mu nyanja. Ndipo pafupifupi iwo wose wakaŵa—wakaŵa walovi, ndipo madoda ghakuru ghankhongono, ghakayizgoŵera nyanja. Ndipo ntheura apo iwo wakakhazganga Yesu kuti wanjirenge mu boti na kuruta nawo, nkhanira mwaluwi. Chifukwa, iwo wakafika kula, ndipo iwo wakenera kuti wakendapo pachoko waka; kuwa ngati mwayiyambiska waka kwenda sitima yinu, ndipo pamanyuma kupumulapo.

28 Panyake Yohane mwanichi wakenera kuti wakaŵa yumoza wakudanga kuyowoya, chifukwa iyo wakaŵa mwanichi chomene pa gulu lira. Ndipo wakenera kuti wakaŵa iyo uyo wakati, “Ine nayamba kuvuka pachoko. Tiyeni tipumurepo pachoko waka. Tilindizgepo miniti pera, ise tingafulumiranga yayi. Iyo wachali wandafike, ntheura ise tingamanya kulindizgapo pachoko na kuti tiŵe ngati tasanga mvuchi uweme wa mphepo.”

29 Ndipo apo iyo wakaŵa chikhalire kula na mutu wake wakusindama pachoko, iyo wakenera kuti wakayamba ngano wa ukaboni. Ndipo icho ndicho ine nkhukhumba kuti ndiyowoyepo. Wakenera kuti wakaŵa iyo uyo wakadanga kuwuka, ndipo wakati, “Ŵabale, palije kanthu kwali ŵanthu ŵakuyowoya vichi, ndipo kwali munyake wakukhumba kuleka kugomezga uli, ine ndiri na chisimikizgo chose sono, kufumira muhanyauno, kuti ise tikurondezga wafeke yayi. Ise tikurondezga munyake yayi kweni Chiuta, pakuti kulije munthu wangamanya kuchita icho Iyo wanguchita muhanyauno pekhapekha wakaŵa Chiuta. Imwe mukumanya, para Iyo wakati watora mabisiketi ghara na kughamenya igho, ndipo wakaryeska fayivi sauzandi kula, icho ndi chinthu chakuzukumiska chomene kwa ine. Nthena kukaŵapo kukayikira mpaka muhanyauno,” sono ine nkhuwerezgapo waka ukaboni wake umo ukaŵira, “kweni icho chikakhazikiska ichi.”

30 Wakati, “Ine nkhumanya kukumbukira virimika vyajumpha. Ine nkhakhalanga kusika kufupi na Jordan. Ndipo ine nkhumanya kukumbukira, ngati mnyamata muchoko, umo wane wakatowa, mama Muyuda wakandinyamuliranga ine, mu muhanya, na kundikhazika ine pa chipakato chake na kunditchika ine, kuwaro pa khonde, para ŵanthu ŵakawungananga mumphepete mwa Jordan. Ndipo iyo wakatemwanga kulaŵiska kusirya kurazga ku chipalamba, uko ŵanthu ŵakwithu ŵakizira kujumpha mu chipalamba ichi. Iyo wakatemwanga kundiphalira ine nkhani za m’Baibolo. Yimoza ya nkhani zikuru iyo ine nkhekumbuka, yikaŵa ya mwanakazi wa ku Shunemu ndipo para mwana wake wakati wafwa, ndipo—ndipo muprofeti wakamuwuska mnyamata muchoko uyu kufuma ku ŵakufwa. Yira yikaŵa nkhani yakukondweska.

31 “Kweni yimoza ya nkhani zakukondweska chomene, ndipo mama wakatemwanga kundiphalira ine, iyo wakatenge, ‘Sono, Yohane, iwe ndiwe waka mnyamata mwanichi; kweni ine nkhukhumba kuti iwe ukumbukirenge, apo iwe ukukura, kuti, Yehova mukuru wakafumiska ŵanthu ŵakwithu kufuma mu Egupto, ndipo ise tikayendera mu mapopa ghara kwambuka mronga kula. Ndipo wose pa virimika fote, iwo ŵakenda mu mapopa ghara, kukaŵavye malo ghakuti ŵasangeko vyakuvwara, ndipo kukaŵavye malo ghakuti ŵakaryereko. Ndipo Chiuta wakarokweska chingwa kufuma kuchanya, usiku

uliwose, ndipo wakaryeska wanthu withu mu mapopa ghara, chifukwa iwo wakaŵa mu mzere wa ntchito, kurondeznganga Yehova mukuru. Ndipo sono, dazi linyake, Yehova wazamuzgoka thupi pano pa charu chapasi, mu kawonekero ka Munthu, Iyo wazamuchemeka Yumoza wakuphakazgika, Mesiya.’

³² “Ndipo ine nkhukumbukira,” iyo wakayowoyanga, “ngati mnyamata muchoko, umo kuti malingaliro gha mnyamata wane muchoko ghakalingaliranga, kuyezga kuchilingalira ichi, ‘Kasi Chiuta wakaryeska uli wose wara, wanthu thu na hafu miliyoni, mu mapopa ghara? Kasi Iyo wakachisanga uli chakurya chose chira?’ Ndipo ine nkhatemwanga kuwafumba amama, ‘Amama, kasi Iyo, wali—kasi wali na ng’anjo zinandi zikuruzikuru kuchanya kula mu mtambo, ndipo Iyo wakamanyanga kuphika vingwa vyose, na kukhira usiku na kuwika ichi pa a—pasi, kuwa cha wanthu, ndipo mitambo yikuru ya Yehova njakuzura na ng’anjo? Iyo wakayowoyanga kuti, ‘Yayi, wamwana, iwe ndiwe mwanichi chomene kupulikiska. Wona, Yehova ndi Mlengi. Iyo wakusoŵeka ng’anjo yayi. Iyo wakuyowoya waka, ndipo Mazgu Ghake ghakuwonekera para Iyo wayowoya. Iyo ndi Yehova mukuru, ndipo Iyo wakayowoya waka ichi. Ndipo Wangelo wakugaŵa ichi pasi, kugaŵira wanthu.

³³ “Ndipo muhanyauno, para ine nkhumuwona Iyo wayimilira apo, kasi imwe mwanguwona mawonekero ghara pa chisko Chake? Mukaŵavye nkhayiko mu malingaliro Ghake. Ine nkhakwera pachanya pa jarawe, ndipo nkhamuwona Iyo apo Iyo wakatora chingwa chira na kumenya ichi, na kupereka ichi ku a . . . wapharazgi Wake, ise, kuti tigaŵire ichi ku wanthu. Ndipo nthura para Iyo wakati watora kuti wamenyeso, chingwa chira chikaŵaso champhumphu kamoza. Ndipo Iyo wakachita chira mahandiredi gha zinyengo, mpaka waliyose wakakhuta, ndipo pakaŵa mabasiketi, ghakuzura, ghakakhalapo. Ine nkhumanya uyo wangaŵa munyake yayi wakuchepera pa Yehova, chifukwa Iyo wakachita ngati ndiumo Yehova wakachitira. Ndi Yehova pera wangamanya kulenga. Ndipo ine nkhumanya kuti Munthu yura ngwafeki yayi. Kuli Mlengi yumoza pera, ndipo yura ndi Yehova. Ndipo sono, pa vinthu vyose ivyo ine ndiri kuwona, chira chikandikhoromweska ine.

³⁴ “Ine nkhukhumba kuti imwe mumanye sono kuti mtima wane ngwakujipereka kwathunthu, ndipo ine nkbugomezga mwakukwanira kuti Iyo ndi muprofeti waka yayi. Iyo ndi muprofeti, kweni Iyo ndi mukuru kuruska muprofeti. Iyo ndi chinyake yayi kweni Yehova Chiuta kukhalanga pakati pithu, chifukwa Iyo wakalenga chingwa, ndipo Iyo wakaŵa na vizgoŵezi vya Yehova. Ndicho chifukwa Iyo wakayowoya kuti, ‘Usange Ine nkuchita yayi milimo ya Adada Wane, ipo kundigomezga yayi Ine; kweni usange Ine nkuchita milimo ya Adada Wane, ndipo imwe mukutondeka kundigomezga Ine, gomezgani milimo, pakuti yikundichitira ukaboni Ine ndipo

yikuphala Uyo Ine ndiri.’ Kukawoneka ngati kuti wanthu nthena wakachiwona chira, mwakuphweka.”

³⁵ Ndipo Yohane wakakhorwa kuti Iyo wakaŵa Mesiya, Yumoza uyo Yesaya wakati, “Kwa ise tiwenge na ungano wa ukaboni, ine nkhuumba kuti ndiyowoyepo chinyake. Imwe mukumanya, ine nkhaŵa wakukayika chomene za chinthu chose, para Andreyana munung’una wane, uyo wakaŵapo pa chisisimuso cha muprofeti Yohane, uyo wakapereka ukaboni kuti Mesiya wafikenge ndipo iyo wazakumulonjera Iyo. Ndipo ine nkhaŵa wakukayikira pachoko za icho Andreyana wakandiphalira ine, chifukwa ine ndiri kupulika mitundu yose ya nkhani za Mesiya na chinyake chirichose.

³⁶ Chamudera mu nyengo yira, Simon Petros wakati, “Enya, sono, miniti pera. Usange ise tiwenge na ungano wa ukaboni, ine nkhuumba kuti ndiyowoyepo chinyake. Imwe mukumanya, ine nkhaŵa wakukayika chomene za chinthu chose, para Andreyana munung’una wane, uyo wakaŵapo pa chisisimuso cha muprofeti Yohane, uyo wakapereka ukaboni kuti Mesiya wafikenge ndipo iyo wazakumulonjera Iyo. Ndipo ine nkhaŵa wakukayikira pachoko za icho Andreyana wakandiphalira ine, chifukwa ine ndiri kupulika mitundu yose ya nkhani za Mesiya na chinyake chirichose.

³⁷ “Kweni wabale mose imwe mukukumbukira adada wane walara. Zina lawo likaŵa Jonas. Ndipo imwe mukuwakumbukira iwo, za umo kuti iwo wakaŵa wakugomezga wakulimbikira chomene. Umo kuti ine nkhumanya kukumbukira amama na adada, na ise tose, apo ise tikakhaliranga kukora somba, ndipo ise tikatondeka kukorako somba; ise tikakhumbanga chakurya, ndipo umo ise tikagwadiranga pasi na kuromba kwa Chiuta, ‘Mutipe somba ise muhanyauno, Chiuta, mwakuti ise tingamanya kuguriska somba zithu, na kulipira ngongole zithu, tiwe na chakurya chakuti tirye.’ Ndipo umo ise tikarutiranga pa nyanja, mu mphepo yamkuntho, na kuchita chikanga ku—kulimbana na mphepo zira.

³⁸ “Ndipo adada, ine nkhumanya kuwona sisi lawo la nyivwi kulenderanga ku msana kwawo, dazi limoza apo iwo wakaŵa chikhalire pa chingwe cha boti ndipo wakandiyowoyeska ine, kuti, ‘Simon, iwe ndiwe mwana wane mulara. Iwe ukumanya, ine nyengo zose ndiri kugomezga, Simon, kuti ine ndizakumuwona Mesiya. Wanthu wakwithu wali kumupenja Iyo kufumira ku Eden. Ndipo ise tiri na chigomezgo kuti Iyo wafikenge, kwali pajumphe nyengo yitali uli. Apo ndi virimika foru sauzandi vyajumpha, imwe mukuyowoya. Kweni ine nkhu Gomezga kuti Mesiya wafikenge. Ndipo Muyuda waliyose wali kugomezga kuti iyo wazakumuwona Mesiya mu muwiro wake. Ine nkhu Gomezga kuti ndimuwonenge Iyo mu muwiro wane. Kweni kukuwoneka ngati, ine nkhu chekura sono, ine nkhwenera kuti ndileke kuruta ku nyanja, na kupulikanga vyakuwinya vyane na vyakupweteka, ine panyake ndimuwonenge yayi Iyo mu nyengo yane. Kweni panyake iwe uzakumuwona, mwana wane.

39 “Ndipo ine nkhekumba kuti ndikusambizge iwe mu Malemba. Wamwana, pambere Mesiya wandafike pa malo, kuzamkuwa mitundu yose ya vinthu vizamuchitikanga, mitundu yose ya vinthu vyautesi, chifukwa Satana wazamuchita icho, kuti waparanye chikoka cha Mesiya mweneko para Iyo wakwiza.” Nyengo zose chiri kuwa nthaura; chichali mwantheura.

40 Ndipo pamanyuma ise tikusanga kuti, iyo wakati, “Ine nkhekumbukira iyo wakawika woko lake kundikumbatira ine, wakati, ‘Wamwana, pali nthowa yimoza pera iyo iwe uzakumanyira Mesiya yura. Sono ise tiri kuwa na mahandiredi gha virimika kwambula muprofeti. Malaki wakawa muprofeti withu waumaliro. Apo ndi virimika foru handiredi vyajumpha, ise tindaŵepo na muprofeti. Kweni kumbukira, Moses wakatiŵalira ise, mu Malemba, kuti, para Mesiya wafika, Iyo wazamkuwa muprofeti, para Iyo wakati wafika pa malo. Ise Wayuda tiri kusambizgika kugomezga muprofeti. Ndipo ulendo wa Mesiya pa charu chapasi ndi Mazgu ghakuyowoyeka gha Chiuta, agho Iyo wali kutilayizga ise. Ndipo Mazgu nyengo zose ghakwiza kwa muprofeti, ndipo muprofeti wakukhozgera Mazgu ghara. Kuruwa yayi icho, wamwana! Vinthu vikuru panyake vingaphuka, panyake vingaŵako vinthu vikuru vyakuchenusa ndipo—ndipo vinthu vikuru. Kweni kumbukira, Mesiya wazamkuwa muprofeti, chifukwa ise tikumanya kuti Chiuta wakusinha yayi nthowa Yake, ndipo Iyo wakayowoya kuti Mesiya wazamkuwa muprofeti. Ntheura kumbukira, wamwana, ŵaprofeti ndi iwo ŵeneawo ŵali na Mazgu gha Fumu. Ndipo para Mesiya wafika, Iyo wazamkuwa muprofeti.’

41 “Ine ndichali kulipulika woko lake,” wakayowoya Simon, “apo iyo wakawika ili kukumbatira ine. Ndipo Andreyā wakimilira apo wakuchapa mkwawo, pa nyengo yira. Iwe ukukumbukira ichi, Andreyā?”

“Enya, Simon, ine—ine nkhekumbuka ichi.”

42 “Ndipo Andreyā kuyezganga kundiphallira ine kuti Yohane uyu wakawa muprofeti. Ine nkhaŵa na vinthu vinyake vyakuti ndichite, nkhenera kuti ndiguriske somba na vinthu. Ntheura adada ŵakafwa kale pajumpha virimika, kweni ine nyengo zose ndiri kusungilira icho mu malingaliro ghane; adada ŵakati, ‘Mesiya uyu wazamkuwa muprofeti wakumanyikwa m’Malemba, ndipo kuruwa yayi ichi, chifukwa ndi Mazgu ghakuyowoyeka gha Chiuta. Ndipo Mazgu ghara rutaruta ghakhala ghakwiza ku ŵaprofeti; awo ŵakamanya ichi, panji kuwoneskera icho chikalayizgika ku muwiro.’”

43 Ndipo sono Simon, “Dazi limoza,” wakayowoya, iyo wakati, “iwe ukumanya, Andreyā wakandifumba ine kuti tirute ku ungano. Ndipo ine nkharuta kusika kula ku ungano uko

Munthu uyu, Yesu, wakaŵa. Ndipo ine nkhaŵa kuti ndapulika mitundu yose ya mphwepwelerera. Kukaŵa Yesu uyo wakaphuka, pambere Iyo wandafike, uyo wakalayizga kuti wazamkuŵa chinyake chikuru, wakarongozga foru handiredi ŵakafuma ndipo wose ŵakaparanyika, na vinyake nthaura. Ine nkhat panyake wakaŵa waka munyake wa mtundu ula, na mtundu unyake wa kukhumba kukuru kwa chisisimuso chinyake, panji bungwe linyake likuru ilo iwo ŵakate ŵapangenge. Kweni dazi limoza ine nkhanghanaghana kuti ine ndiruteko uku na Andrey, munung'una wane."

⁴⁴ Ndipo ine nkhumanya kulingalira, chamudera mu nyengo yira, boti likayamba kugwedezgeka. Munyake wakayamba kuchemerezga, ndipo iyo wakati, "Khalani pasi! Kuliyendeska yayi boti. Lindizgani miniti pera. Khalani chete."

⁴⁵ Ndipo iyo wakati, "Imwe mukumanya, para ine nkhati ndakhilira kusika kula ndipo nkhafika panthazi Pake, nyengo yakudanga, Iyo wakandilaŵiska ine mu jiso ndipo wakandiphalira ine ilo likaŵa zina lane. Iyo wakaŵa wandaniwonepo ine nakale. Iyo wakandimanya waka pera yayi ine, kweni Iyo wakaŵamanya adada ŵane ŵauchiuta ŵara, awo ŵakandisambizga ine mu Malemba. Ndipo ine nkhamanya kuti Yura wakaŵa Mesiya. Chira chikandisimikizgira ine, nkhanira penepara. Yura wakaŵa. Chira chikapanga ichi kuŵa chaunenesko, kwa ine."

⁴⁶ Wakwenera kuti wakaŵa Filipu wakati, "Kasi ine ningayowoyapo lizgu apa?" Sono iyo wakati, "M'bale Nathaniel, kuzomerezga yayi ichi chikupweteke iwe; chifukwa, iwe ukumanya kuti ise tikaŵazga vyakulemba pa virimika na virimika, icho Mesiya wazamkuŵa. Kweni para ine nkhati ndamuwona Iyo wakuchita chira, ine nkhanyamuka ndipo nkharuta na mubwezi wane uku, Nathaniel. Ndipo para iyo wakati wafika . . ."

Nathaniel wakati, "Reka ine ndiyowoye ichi. Reka ine ndiyowoye ichi."

⁴⁷ O, iwe ukumanya, chiripo chinyake chikuchitika para Yesu wakuchitira chinyake iwe, iwe—iwe ungakhala chete yayi, iwe ukwenera kuti uyowoye ichi, wamwene. Ndi unenesko yayi uwo? Usange ndi chinyake chenicheni, iwe ukwenera kuti uyowoye ichi. Para Iyo wakati wandizuzga ine na Mzimu Mutuŵa, ine nkhuKhumba kuti ndiyowoye za ichi. Ine nkhuKhumba kuti munyake wamanye za ichi. Munyake wayowoye ichi yayi; ine nkhuKhumba kuti ndiyowoye ichi, ndamwene.

⁴⁸ Ndipo ine nkhuLingalira waka, Nathaniel wakakondwa chomene ndipo wakati, "Iwe ukumanya, ine nkhuKhumba kuti ndiyowoye ichi. Ine nkhaŵa wakukayika pachoko za iwe, Filipu, para iwe ukati wandiphalira ine. Ine nkhuKufumba iwe, 'Kasi ku Nazarete kungafuma chinthu chiweme?' Ndipo

iwe ukandipa ine zgoro liweme chomene ilo munthu munyake wakaŵapo nalo, “Zanga ndipo uwone.” Icho chikwenda makora muhanyauno. Uwo mbunenesko. Kukhala kunyumba yayi na kususka. Zanga, jifufuzire wamwene, uwone. “Wakati, ‘Kasi ku Nazarete kungafuma chinthu chiweme?’ Wakati, ‘Zanga ndipo ujwonere wamwene.’ Ndipo iwe ukumanya icho iwe ukandiphalira ine.

⁴⁹ “Ndipo para ine nkhati nafika mu Kuŵapo Kwake, ndipo Iyo wakandiphalira ine kuti ine nkhaŵa ‘a—Muyuda, mu Israel, ndipo nkhaŵa munthu muneneska,’ ine nkhamanya icho.

⁵⁰ “Kweni ine nkhezizwa, ‘Kasi ichi chingaŵako uli nthaura?’ Iyo wakawoneka ngati munthu wamba. Ine nkhexhazganga kuti Mesiya wizirenge mu nthowa ya golide kufuma Kuchanya, kufika nkhanira ku hedikota la bungwe kuno, ku Yerusalemu, kwiza na kuti, ‘Kayafa, Ine nafika.’ Kweni iwo ŵakasanga kuti, Iyo wakiza kufuma ku Nazarete, kufuma ku banja likavu; ndipo nadi wakuŵa na zina lifipa kumanyuma Kwake, ngati ‘mwana wapathengere.’ Apa Iyo wakimilira, wakavwara vyakuvwara wamba, nthu ngati msofi panji munyake; munthu waka wamba. Ndipo ine nkhexhaganaghana, para ine nkhati nafika kula, ‘Kasi yura wangaŵa uli Mesiya? Wakavwara chakuvwara chimoza chakale, icho Iyo wakavwara kufuma ku wanichi, ndipo apa wavwara chakuvwara chenechira; ndipo sisi Lake kulenderanga musi mu msana Wake. Ndipo ngati munthu wamba wa pa msewu.’

⁵¹ “Ndipo Iyo wakandilaŵiska ine kumaso, ndipo wakati, ‘Pambere Filipu wakaŵa wandakucheme iwe, para iwe ukaŵa musi mwa khuni, Ine nkhexuwona iwe.’ Chira chikakwanira kwa ine. Ine nkhamanya, mwa Mazgu, yura wakaŵa Mesiya. Yura wakaŵa Iyo.”

⁵² Ndipo boti likenera kuti likagwedezgeka, ndipo ungoro wa ukaboni ukarutiriranga. O, yikaŵa nyengo yiweme uli iwo ŵakaŵanga nayo, uko pa nyanja kula, kuŵanga waka na nyengo yiweme.

⁵³ Andreyu wakati, “Ine nkhexhumba kuti ndiyowoyepo chinyake icho changuŵa ngati changundizizikapo pachoko kanyengo kajumpha. Iwe ukukumbukira para ise—ise tikarutanga ku Yeriko? Iyo wakati, ‘Ise tikwenera kuti tikwere mtunda; Ine nkhexhumba kuti ndiyendere ku Samariya.’ Nthaura, Iyo wakaruta ku Samariya ndipo kula pa msumba wa Sukare, para Iyo wakati watituma tose kutali kuti tikagule vyakurya mu msumba.”

⁵⁴ “O, enya, ine nkhexkumbuka icho, makora!” Iwo wose, “Enya, enya!” Boti likagwezgekanga waka, waliyose wakaŵanga na ukaboni uweme para chisisimuso chikati chamara. Nthaura iwo ŵakaŵa na ungoro uwu wa ukaboni.

55 Ndipo iyo wakati, “Enya, ndipo iwe ukukumbukira ise tikasezgekapo, ndipo, ku chakutizukumiska chithu, ise tikawona Bwana withu wakuyowoyeskana na muzaghali wakumanyikwa. ‘U-huh,’ ise tikaghanaghana, ‘icho ntchiheni. Muwoneni Iyo kuwaro kula wakuyowoyeskana na mwanakazi mwanichi uyu. Ndipo wakatituma kutali ise, ndipo apa Iyo wali kuno na mwanakazi wa mbiri yiheni uku.’ Ukukumbuka, ise tikimilira waka kuseri kwa vivwati, ndipo ise tikategherezga ku kudumbirana kwawo.

56 “Ndipo ise tikamupulika Iyo wakuyowoya kwa iyo, ‘Mwanakazi, ruta ukatore mfumu wako ndipo mukize kuno.’

57 “Ndipo ise tikati, ‘Enya, ise panyake tikanangiska, panyake mwanakazi wakaŵa waka pa nthengwa yakuzomerezgeka.’

58 “Ndipo iyo wakamulaŵiska Iyo kumaso, ndipo wakati, ‘Bwana, ine ndirije mwanarumi waliyose.’

59 “Iwe ukukumbukira umo mitima yithu yikagongowera? ‘Mesiya withu mukuru uyo ise tikaŵa na chisimikizgo, apa wakakoreka mu utesi, ukuru, chifukwa Iyo wakati, “ruta ukatore mfumu wako,” ndipo iyo wakachitira ukaboni kuti iyo wakaŵavye mwanarumi. Sono ichi chikawerera pa Iyo.’ Ukukumbukira umo tose tikawonekera ŵakuzizwa, ndipo mvuchi ukafumamo mwa ise?”

“Enya, ine nkhukumbukira ichi.”

60 “Ndipo nthaura iwe ukukumbukira mazgu ghakurondezgako? Iyo wakati, ‘Iwe wayowoya unenesko, chifukwa iwe ukaŵapo nawo ŵankhonde, ndipo yumoza mweneuyo iwe ukukhala nayo sono ngwako yayi.’ O, iwe ukukumbukira ungoro wa ukaboni kuseri kwa thengere? Mwe!” Wona, iwe ungamupusika yayi Iyo. Iyo ndi Chiuta. “O,” Simon wakati, “icho mbwenu...” Andreyia wakati, “Chira chikakwanira kwa ine.”

61 Bartholomeyo wakati, “Lindizgani, ine nkhukhumba kuti ndiyowoyepo ukaboni. Kasi ine ningachita ichi, ŵabale?”

62 “O, enya, ine nkhughanaghana kuti iwe ungachita, ise tiri na nyengo yikuru. Iyo wachali wandafike, nthaura ise tivuŵenge waka pachoko. Rutirira, Bartholomeyo, iwe yowoya ukaboni.”

63 “Enya, chimoza cha vinthu vikuru kwa ine. Imwe mukukumbuka mlongosi withu kusika mu Yeriko, wakuthyika Rebeka?”

“Enya.”

“Ndipo mfumu wake wakaŵa na resitoranti kusika kula.”

“U-huh.”

64 “Ndipo—ndipo iyo wakaŵa mwanarumi wa bizinesi, ndipo zina lake wakaŵa Zakeyu.”

“Enya, enya, ine nkhumukumbukira makora iyo.”

65 “Iwe ukukumbukira, iyo wakaŵa—iyo wakaŵa yumoza wa ŵalongosi ŵithu. Iyo wakagomezga pa Fumu, ndipo iyo wakaŵa na wofi ukuru kuti Zakeyu wachizerezege waka chose ichi kwambula kumuzomera Yesu. Ndipo, o, Zakeyu wakaŵa mubwezi muweme chomene kwa msofi kula. Ndipo nthaura iyo wakarombanga kuti chinyake chichitike mwakuti maso ghake ghajurike, ndipo iyo wangapanikizga kuti uyu ndi Bwana, agha ndi Mazgu ghakukhozgeka gha Chiuta, ghazgoka thupi pakati pithu. Ndipo ise tikayezga kumuphalira iyo... kumuphalira iyo za umo kuti Yesu wa ku Nazarete wakamanyira visisi vya mtima, kuwoneskanga kuti Iyo wakaŵa Mazgu, chifukwa Mazgu ghakusanda maghanoghano mu mtima.

66 “‘Kupusa,’ iyo wakati, ‘Ine nkugomezga msofi. Icho msofi wayowoya ntchiweme kwa ine.’ Chifukwa iyo wakaŵa mu ghose a—maranguro gha msumba, ŵa Kiwanis na chinyake chirichose, imwe mukumanya, nthaura iyo... chikaŵa chinonono kwa iyo kuti wazomerezge ichi. Nthaura Rebeka wakatifumba tose ise kuti tirombe, kuti tirombe. Ndipo nyengo yiriyose para ise tikafika ku chisambizgo chakuti Iyo wakaŵa muprofeti, iyo wakatenge, ‘Kupusa! Msofi wakuti, “Iyo ndi Berezebure. Iyo ntchiŵanda. Iyo wakuchita icho mwa nkhangono ya chiŵanda. Ndipo Iyo wakuŵazga waka malingaliro. Ndicho chekha chiriko ku ichi. Kulije kalikose ku ichi.” Nthaura kulije chinthu chantheura mu nyengo iyi; ise tindaŵepo na ŵaprofeti pa virimika mahandiredi. Ndipo vingachitika uli kuti Munthu yura, wambula nanga ndi kadi la wenenawene, kasi Iyo wangaŵa uli muprofeti? O, vingachitika yayi kuti Iyo wakaŵa chinthu chantheura!’

67 “Kweni, imwe mukumanya, Rebeka wakarutirira kugomezga, muwoli wake, na kurombanga. Ndipo mlenji umoza para Yesu wakanjiranga mu msumba, enya, pamanyuma ise tikusanga kuti, Rebeka wakatiphallira ise kuti Zakeyu wakaruta ku a—msewu, kuti wakamuwone Iyo. Nthaura iyo wakagomezga yayi kuti Iyo wakaŵa muprofeti, nthaura iyo wakati, ‘Ine ndimulaŵisiskenge waka chomene Iyo,’ umo iyo wakayowoyera kwa ise pa resitoranti dazi linyake para ise tikaryanga. Nthaura iyo wakakwera khuni la sukare, ndipo wakati, ‘Imwe mukumanya kasi, ine ndijibisenge waka ndamwene muchanya umu nthaura Iyo wandiwonenge yayi ine. Ine ndine munthu muchoko, munthowa yiriyose, mufupi chomene. Ndipo ine ningamuwona yayi Iyo pasi kula, mu gulu, nthaura ine nikwerenge waka muchanya umu mu khuni.’ Ndipo iyo wakafika apo yiŵiri—minthavi yiŵiri yikukumana, ndipo penepara iyo wakakhala pasi, pakukumana minthavi iyi.”

68 Agho ndi malo ghaweme ghakukhala pasi na kuchilaŵisiska makora ichi. Apo ndipo nthowa ziŵiri zikukumana, zako na za Chiuta; fundo zako. Ichi ndi chinthu chiweme, kughanaghanapo.

⁶⁹ “Ntheura iyo wakati, ‘Imwe mukumanya kasi, Iyo wakwenera kuti ndi muprofeti. Iyo wangamanya kuti ndicho wali. Ichi chingamanya kuwa chamachitiko kuti ine ninganangiska. Ntheura ine ndimuphalireninge imwe chakuchita, ine ndimulaŵisiskenge Iyo; ndipo Iyo wandimanyenge yayi ine. Ntheura ine nditorenge waka mahamba ghose na kujibisa ngati ntheura, kujibenekerera, ndipo ine ndijibisenge ndamwene ntheura Iyo wandiwonenge yayi ine napochoko pose. Ndipo ine ndimulaŵisiskenge Iyo para Iyo wakujumpha. Ndipo usange Iyo wakuwoneka ngati munthu yura yayi, ine ndipangenge chigamuro cha malingaliro ghane, ndiri chikhalire muchanya umu mu khuni.’ Ntheura iyo wakalaŵiska, ndipo wakaŵa na hamba ilo iyo wakamanya kubenura na kumuwona Iyo para Iyo wafika kufupi.

⁷⁰ “Ndipo para Iyo wakati wafika kufupi, wakwenda kukhira na msewu, imwe mukumanya, kulaŵiskanga lwande limoza na linyake, ndipo ŵasambiri kuyowoyanga, ‘Yimilirani mumphepete. Phepani.’ Ndipo ŵanthu na ŵana ŵarwari na vintu. ‘Phepani, Bwana wavuka chomene; chisopo chikuru chira usiku wamara. Ndipo, mwantchindi ntheura, uli imwe mwimilire mumphepete ndipo rekani Iyo wajumphe. Enya, Iyo wali pa ulendo Wake kukhilira ku msumba, ndipo uli imwe mwimilire waka mumphepete?’ Ndipo Zakeyu wali chikhalire muchanya umu mu khuni, kulaŵiskanga pasi pa Iyo.

⁷¹ “Ndipo Yesu wakiza nkhanira musi mwa khuni, wakimilira, wakalaŵiska muchanya ndipo wakati, ‘Zakeyu, khira muchanya umo. Ine nk huruta kunyumba na iwe muhanyauno, kukarya nawe.’ Chira chikakwanira kwa ine. Iyo wakamanya kuti iyo wakaŵa muchanya mula, ndipo wakalimanya zina lake, icho iyo wakaŵa. Chira chikakwanira. Yura wakaŵa Mesiya, kwa ine. Enya, bwana. Chifukwa, ise tikumanya kuti Mesiya wazamuchita icho. Nadi. Ntheura Iyo wakaruta kunyumba na iyo, wakayowoya, dazi lira pa chakurya. Yikaŵa nyengo yiweme uli yira! Ise tikukumbukira ichi.”

⁷² Imwe mukumanya, yikwenera kuti yikaŵa pafupifupi ngati nyengo yira, ungoro wa ukaboni ukarutiriranga. Imwe mukumanya, ŵasambiri aŵa kula pa nyanja, kuchitiranga ukaboni, kukenera kuti kukaŵa kusika mu mdima wa usiku kumalo kunyake, kunena mu vyaru vya kumpoto kula, kuti Satana wakenera kuti wakakwera pachanya pa phiri ndipo wakalaŵiska pasi. Iyo wakalaŵiska mu ungoro ula wa ukaboni, ndipo iyo wakasanga kuti iwo ŵakaruta kwambula Iyo. Ula ukaŵa mwaŵi wake.

⁷³ Wonani, ine nk hughanaghana kuti chakuchitika chira chafikaso, chajiwerezga ichochene. Iwo ŵakaŵa, mu chimwemwe cha chisisimuso, iwo ŵakaruta kwambula Iyo. Ndipo ine nk hugomezga kuti ndicho chomene chachitika kwa ise muhanyauno, kuti, mu ora ili la nthimbanizgo, na

pamanyuma pa chisisimuso chikuru ichi icho ise tachiwona. Ichi chayenda kuzingilira charu. Fuko lirilose likaŵa na myoto ya visisimuso vikachitikanga, na kugoleranga; visopo vikuru vya machirisko; ŵanthu kupokeranga Mzimu Mutuŵa, mwa makhumi gha masauzandi kwandaniska na masauzandi. Ndipo mu kukondwera kwa ichi, ngati ŵasambiri ŵara kuchitiranga ukaboni icho Iyo wachita, “ndipo, o, ise tikamuwona Iyo wakuchita *ichi*, ndipo ise tikamuwona Iyo wakuchita *icho*,” ine nkugomezga ise taruta kutali ngati iwo, kwambula Iyo.

⁷⁴ Ise taruta ku myaŵi yikuru chomene iyo—iyo chisisimuso chapereka. Ise taruta ku myaŵi ya kupanga ndalama zinanda, matchalitchi, kuzenga nyumba zikuruzikuru, malo ghakuru chomene gha mamiliyoni dolazi, sukulu zikuruzikuru, ndondomeko za masambiro, na kupanga bungwe lithu kuti likure. Ndipo pamanyuma kuŵa na ndondomeko zithu za komunizimu, zakususka komunizimu, ndicho chekha ise tingayowoya muhanyauno. Ndipo chinthu chakudanga imwe mukumanya, Satana watiwona ise pa ndondomeko zithu za kususka komunizimu, pa ndondomeko zithu zikuru za mabungwe, na pa ghithu gha “mamiliyoni ghanandi,” na vinyake ntheura, umo iwo ŵaliri navyo.

⁷⁵ Ndipo ise taruta kutali kwambula maungano gha malurombo ghakale na ubapatizo wa Mzimu Mutuŵa kwizaso, mpaka moto wazimwa. Imwe mungamanya kuchemerezga, na kuyezga kuŵatorera ŵanthu ku guwa, ndipo iwo ŵakwenda waka ngati kuti iwo pafupifupi ŵakaŵa ŵakufwa, ŵawofi kwiza. Ndipo pamanyuma kuŵapempha ŵapharazgi kuti ŵize ŵarombe nawo, “O, kasi iyo wangunichecherachi ine?” Ndipo iwo ŵakwiza kula, ndipo iwe ungaŵafika yayi iwo. Ndipo iwo ŵayimilirenge kula maminiti ghachoko waka, kukulaŵiska iwe, na kuwerera na kukakhala pasi mu mipando yawo. Kwa ine, moto wazimwa! Chinyake chachitika. Tegherezgani! Icho ise tikukhumba ndi chisisimuso, kuti ŵakwananga, kulaŵiskanga kwa Khristu, ŵarape, ŵachimbilirire ku guwa na mawoko ghawo muchanya, kuliriranga lusungu, ndipo mpingo wose ndi dimi la moto, na uchindami wa Chiuta.

⁷⁶ Kukondwera kwithu kwa mwaŵi kuti tipange mabungwe ghithu ghakure, ise tazenga sukulu zikuruzikuru kuti tisambizge ŵapharazgi ŵithu, ndipo tikuŵatuma iwo kutali na Chiuta kuruska umo iwo ŵakaŵira pa kudanga. Chiuta wakumanyikwa mwa masambiro yayi. Iyo wakumanyikwa mwa kusambira vyauchiuta yayi. Chiuta wakumanyikwa mwa chipulikano. Imwe mungamurongosora yayi Chiuta. Iyo wakujumphu pa kurongosoreka.

⁷⁷ Laŵiskani icho ichi chachita, ise ŵanthu ŵa Pentekosite ise kale tikaŵa ŵa pentekosite. Ŵanakazi ŵithu ŵameta sisi lawo; ŵakujiphoda. Madoda ghithu ghakuzomerezga ichi. Ŵapharazgi ŵithu ŵakuzomerezga ichi. Iwo ŵakuchita wofi kuyowoyapo

chinyake za ichi. Mpingo uŵasezgenge usange iwo ŵachitenge. O, usange ise tikukhumbika kuphyera nyumba yayi, kufuma ku gome kufika nkhanira pasi. Ntchasoni. Ntchakukhozga soni.

⁷⁸ Mwanarumi munyake wakiza kwa ine, kale chomene yayi, ndipo wakati, “M’bale Branham, ŵanthu ŵakukutemwa iwe.” Kweni wakati, “Iwe nyengo zose ukuŵachenya iwo, kuchenya ŵanakazi ŵara, za kuŵa na sisi lifupi na vinthu ngati ivyo.”

Ine nkhati, “Baibolo likati ntchakukhozga soni kwa iyo kuŵa na ili.”

⁷⁹ Iyo wakuyuyura mfumu wake para iyo wakuchita ichi. Ndipo ntchimanyikwiro chakukwanira kuti iwe wafumako kwa Chiuta. Kumbukirani, mu nkhanu ya Samson, sisi litali chikaŵa chimanyikwiro cha Unaziri kuti iyo wakafumako ku charu, wafika ku Mazgu gha Chiuta. Ndipo para imwe mukudumura sisi linu, mwaŵanakazi, imwe mukukana kuti ndimwe chimanyikwiro cha Unaziri. Imwe mwaruta ku Hollywood m’ malo mwakuwerera ku Baibolo. Baibolo likati, “Rekani iwo ŵakhale kwambula kumeta.” Wonani, ntchasoni, ndipo ŵapharazgi ŵakuyowoya chirichose yayi za ichi.

⁸⁰ Mwanarumi uyu wakati kwa ine, “Uli iwe uŵaleke waka ŵanakazi nthaura?” Wakati, “Iwo ŵakukutora iwe ngati muprofeti.”

Ine nkhati, “Ine nkhayowoyapo yayi kuti ndine muprofeti.”

⁸¹ Wakati, “Iwo ŵakukutora iwe ngati nthaura. Ŵasambizge iwo umo ŵangapokerera vyawanangwa vyauzimu ndipo chita chinyake. Iwe ukwenera kuti uŵasambizgenge vinthu vikuruvikuru, vinthu vikuruvikuru.”

⁸² Ine nkhati, “Kasi ine niŵasambizgenge uli iwo algebra para iwo ŵakutondeka nanga nkhusambira ma ABC ghawo, umo iwo ŵangakhaira umoyo uweme wa ichi? Kasi iwe uchitenge uli ichi? Enya, chita danga chinthu chakudanga.”

⁸³ Chirimika pamanyuma pa chirimika, kwendanga mu fuko, ndipo ichi chikuhenipira nyengo yose. Chiripo chinyake chakwanangika pamalo ghanyake, ichi chiri na Mazgu yayi. Ndicho chifukwa ise tikutondeka kuŵa na myoto ya visisimuso vyakugolera. Ise tikukhumbikwa nyengo ya kuphyera mu nyumba. Chiuta wachitenge yayi icho mpaka ise tiwerereso. Ise tikukhumbikwa nyengo ya kuphyera mu nyumba.

⁸⁴ Ndipo iwe wamwanarumi, iwe ukuzomerezga muwoli wako kuchita chinthu ngati icho, kuvwara ŵakabunthu! Awo mba Methodist yayi, ŵa Baptist. Awo mba Pentekosite, uwo mbunenesko, “kaŵiro ka uchiuta, Muwiro wa Mpingo wa Laodikeya, wakufunda,” Pentekosite mwa zina, mbwenu kwamara. Pentekosite ndi zina yayi, ndi chakukuchitikirira cha ubapatizo wa Mzimu Mutuŵa, uwo ukutozga ŵanthu. Ndicho chifukwa ise tikutondeka kuŵa na visopo vikuru vya machirisko

na vinthu, chiripo chinyake chiri kunangika pamalo ghanyake. Ndi Satana, wakatiwona ise kuwaro tikuyezga kuti . . .

⁸⁵ “Enya, ise tikuyowoya chirichose yayi za ichi, iwo wasinthenge tchalitchi la kusopako.”

⁸⁶ Kumbukirani, imwe mukuchita kuwanyengerera yayi Wakhristu. Wakhristu mbakuzizipizga. Iwo ndi wanarumi na wanakazi wa Chiuta, awo wakwimilira Chiuta, kwambula kupwerera icho munyake wakuyowoya. Imwe mukuchita kuwapempha yayi iwo na kuwakoserezga iwo, na kuwaphamaska iwo na kuwanyengerera iwo. Uko ndi kunyengerera, mbewu za hayiburidi, nziweme yayi mulimose, izo zipambikenge kalikose yayi.

⁸⁷ Chikundikumbuska ine, ngati a . . . Sonosono yiwenge nyengo yakulamira. Ine nanguwona tuyuni tuchokotuchoko muhanyauno, kudera kula, mpheta zichokozichoko zanyamula tuphekesi twawo kukaŵika mu vivwimbo vyawo. Pajumphenge nyengo yitali yayi mpaka izi zilamirenge, kupanga masumbi ghawo kuti ghakonkhomore. Imwe mukumanya, kayuni kachoko kangamanya kuŵa na chivwimbo cha masumbi, ndipo iko kangamanya kukhala pa chivwimbo chira cha masumbi, ndipo iko kakughasukusa igho pa maminiti ghalighose ghachoko; kakutora marundi ghake ghachoko na kughasukusa igho, ndipo kakukhalapo. Sono, usange iko kaghalekererenge masumbi ghara kuti ghazizime, pamanyuma pakuti igho ghakafunda, igho ghakonkhomorenge yayi. Ndipo iko kakufumapo waka na kukarya chakurya pachoko, ndipo kakwizaso pa igho mwaluŵiro.

⁸⁸ Ndipo imwe mukumanya, kayuni mama kalara kala, iko kangamanya kukhala pa masumbi ghara, na kughasukusa igho pa maminiti ghaŵiri ghalighose, ndipo nth . . . nanga nkhujiipereka na kuziŵizga mpaka iko kakughanda chomene mwakuti iko kakutondeka kufumapo pa chivwimbo. Kweni pekhapekha, pamanyuma, kayuni mama kala kakakumana na kayuni kanarumi, masumbi ghara ghakonkhomorenge yayi. Kwali pachitike vichi, kwali imwe mughapwererere uli igho, igho ghakonkhomorenge yayi. Igho ghakhalenge nkhanira mu chivwimbo na kuvunda.

⁸⁹ Ndipo usange yikaŵapo nyengo apo Pentekosite wakenera kuti wakumane na Mwanarumi, Yesu Khristu; chifukwa ise tikusanga chinyake yayi kweni chivwimbo chakuzura mavivya, kukananga Chipulikano, kunjiranga mu Mphara ya Chisanisani, na kuchemanga ichi vinthu vikuruvikuru, kukhala pafupi na papa, na kuyowoyanga “ichi ntchazimu.” Kasi suzgo ndi vichi na charu, imwe wanthu wa Pentekosite? Kasi imwe mukumanya yayi kuti Baibolo likayowoyapo vinthu vyantheura vizamuchitika? Ndipo ise tikusekerera chifukwa wa Methodist na wa Baptist wakwiza, ndipo pamanyuma vinthu vinyake

vyose ivi ngati ntheura. Imwe mukumanya yayi kuti para mwali wakugona tulo wakwiza kuzakagula Mafuta, lira likaŵa ora leneilo Mwenenthengwa wakizira? Ndipo iwo ŵakaghasanga yayi Mafuta! Imwe mukumanya, Mkwatulo uzamuchitika mwachisisi chomene, na kuruta, zinyake za nyengo izi, imwe muzamumanya yayi kuti wachitika. Ichi chizamkuŵa kuti chachitika, ndipo imwe muzamuzizwa icho chachitika.

⁹⁰ Ngati ndiumo Yohane wakizira pa charu chapasi. Ndipo iwo ŵakayowoya kwa Iyo, ŵakati, “Enya, Baibolo likati, Eliya wakwenera kudanga kwiza.” Iyo wakati, “Iyo wali kwiza kale, ndipo imwe mukamanya yayi ichi.”

⁹¹ Ntheura ndimo kuzamuŵira, dazi linyake, iwo ŵazamkuti, “Ine nkhanghanaghana kuti ichi chikenera kuchitika pambere yindafike nyengo ya Masuzgo. Ine nkhanghanaghana kuti ndimo Mkwatulo uzamuchitikira.” Mazgu ghangamanya kwizaso, “Ichi chikachitika kale ndipo imwe mukamanya yayi ichi.” U-huh. Ichi chingaŵa kuti chachitika kale kuruska umo imwe mukughanaghanira. O, pamphukani, mpingo! Ntchiweme ine nichileke icho; ine nangwiza kuno kuzakapharazga chisambizgo yayi, ine nangughanaghana waka kuti ninjizgepo waka icho mwakuti imwe mungamanya kuŵa nacho icho pamphepete.

⁹² Kumbukira, m’bale, Satana waziwona ndondomeko zikuru izi, mpingo umoza kuyezganga kuruska unyake, bungwe limoza kuyezganga kuruska linyake, kuchesuramo ujira wose na kuŵapima iwo malingaliro gha m’mutu, kuŵa na wakupima malingaliro kuti wamupime munthu pambere iyo wandarute ku malo ghakukatamikira. Pentekosite! Yayi, awo—awo—awo mba Prezibetere yayi, awo mba Pentekosite. Kupimika mongo nkhwakuhumbikira ku gulu linyake la ŵa Pentekosite, gulu likuru, pambere ŵamishonare ŵandayambe ntchito.

⁹³ Uli usange iwo ŵakaŵenge na kupimika ngati kula? Iwo ŵakapimika. Kukaŵa kupimika kwa chipentekosite pa kudanga, para iwo ŵakalindizga mu chipinda cha muchanya mpaka kukiza Moto kufuma Kuchanya, na Nkhongono ya Chiuta. Kula kukaŵa kupimika.

⁹⁴ Kunyake kwa charu yayi, wakupima wakuloŵera-pachoko wayimilira apo kuyezganga kuŵazga malingaliro, usange iwe wachangamukako pachoko, panji chinyake, ukuti, “Imwe mose pamoza ndimwe ŵakupereŵera.” Penepapo, ichi chikusimikizgira mwakufikapo kuti munthu uyo ngwauzimu chomene ngwa manjenje, wakwenera kuŵa mu kaŵiro kala kuti wanjire mu Ichi. Ntheura apo imwe muli, wonani, na kutimbanizganga waka icho Chiuta wakhala wakuyezga kuchita pa virimika, ndipo ŵakwizaso na ndondomeko zawo na zawo zikuru . . .

⁹⁵ Iwo ŵakusekerera para iwo ŵakuwona ŵanthu ŵanandi ŵawungana pamoza. Wakuti, “Usange ine ningaŵapanga wose

kuwa wa Assemblies! Usange ine ningawapanga wose kuwa wa Oneness! Usange ine ningawapanga wose kuwa wa Methodist!” Wa Methodist wakuyezga kuti wapange wose waawe wa Methodist, wa Baptist wakuyezga kuti wapange wose waawe wa Baptist, wa Pentekosite kuti wose waawe wa Pentekosite! O, imwe mungachita chirichose yayi za ichi, Chiuta wakaawakhozga iwo kufuma ku mtendeko wa charu. Ise tikwenera kuti tipharazge Ivangeli. Mbweni kwamara. Kweni, ndondomeko zithu zikuru, ise taruta kwambula Moto. Ise taruta ndipo tajipangira taŵene moto wakupangikira kunyumba, umo kukaŵira.

⁹⁶ Ndipo chikomunizimu chithu, sono ise tiri na wofi chomene, chikomunizimu chanjira, “Kasi ntchichi chichitikenge?” Kweni, imwe mukumanya, chinthu chikuru ndi chikomunizimu yayi. Imwe mundizomerezge ine nimuphalireni imwe icho sono, ine nkhopa yayi chikomunizimu.

⁹⁷ Kweni icho ine nkhopa, imwe wa Pentekosite, Mphara iyi ya Chisanisani ndiyo yimutoreninge imwe. Ndicho chinthu icho. Iyi yipangenge lusimbo la chikoko, ndipo imwe mukwenera kuti muzakanjire mu iyi. Chifukwa chakuti ndimwe bungwe, imwe mukwenera kuti munjiremo, panji mufumemo. Ndiyo nkhani iyo, ndipo waliyose muweme, wamahara, munthu wauzimu wakumanya icho. Ise tikukhumbika ukaboni unyake-wa-pa nyanja, ise tachisanga ichi sono. Ndipo wa Pentekosite withu, ukumirimitizga waka ichi, mbeja, chingwe na chibaziro, “Ndi chinthu chikuru uli ichi chizamkuwa.” Apo, Methodist, Prezibetere, Lutera, mpingo wa Khristu, na wa Pentekosite, imwe mukwenera kuti muchikane—muchikane chisambizgo chinu chikuru cha upostoli, kuti muwemo mula. Iwo wakwenera kuti wachite chantheuraso. Imwe muzamkuwavye chakuchita mu ichi. Chose chikusazgikana na Rome, nkhanira ndendende icho chasimikizgirika. Lemba likayowoya nthaura.

⁹⁸ Kasi suzgo ndi vichi na wapharazgi awo wakuzomerezga vinthu ivi vifike mu kaŵiro aka, kwambula kuwachenjezga wanthu? Chiuta wazamkuwafumba iwo kuti wapataule. Nkhanira mu nyengo iyi ya suzgo, iwo wakaŵa mu suzgo, iwo wakaŵa. Chikomunizimu chikukhazikika yayi; ndi Mphara ya Chisanisani ndiyo yimirimitizgenge gulu lose. Ndipo kumbukirani, para imwe mukuti, “Vingachitika yayi. . .” Ichi chachitika, mbweni nyengo yamara chomene. Imwe mbweni mwatora lusimbo la chikoko. Imwe muli mu ichi nthaura.

⁹⁹ Ntchiweme imwe mufike uko imwe mungamanya kufyolowoka ku ichi sono, enya, bwana, jaririkani mu Ufumu wa Chiuta. Thupi la Khristu ndi Thupi lamchindindi la Khristu, ilo likubapatizikira mu Ili na Mzimu Mutuwa; kujoyina yayi mu Ili, kunjizgika mu Ili, kuyowoyekeramo mu Ili, kuyowoyekera-mu-malilime mu Ili, kuchemerezegekera mu Ili. Imwe mkubabikira mu Ili, na Mzimu Mutuwa. Uwo mbunenesko. Nadi.

¹⁰⁰ Sono ise tikuwona vinthu ivi, suzgo likwiza pa nyengo yimoza. O, devulu wakalaŵisiska ndipo wakati, “U-huh, iwo ŵakupanga zgaro, iwo ŵali waka kula kudukira muchanya-na-pasi, kuchemerezganga, ŵali na nyengo yiweme. Imwe mukumanya kasi, sono nthena ndi nyengo yane kuti ndiŵabizge iwo. Ine nizgarenge waka nawo sono.”

¹⁰¹ Ntheura iyo wakakwera pachanya pa phiri ndipo wakayamba kuponya mvuchi wake wa poyizoni, whi, “Mazuŵa gha minthondwe ghali kujumpha. Nakwenenako, ine nkhuomezga kuti ŵanthu aŵa ŵanjenjema waka. Ine nkughanaghana kuti iwo ŵakwenera kuti a—a—a ŵapimike zeru za m’mutu pambere ŵandarute kukatumikira ku vyaro vyakuwaro.” Pentekosite! U-huh. Wonani mvuchi wake wa poyizoni ukukoma Mazgu, “O, ine nkughanaghana kuti Ichi ntchinthu chinyake, ine—ine nkhuomezga ichi...” Wonani, nkhanira ŵakuwerera kumanyuma ngati ndiumo ghakachitira mabungwe ghose, nkhanira iyo ndiyo nthowa iwo ŵakwendamo. Iwo ŵachitenge, ichi chikukoma ichi. Ora lenleilo imwe mukupanga ichi kuŵa bungwe, icho chikukoma ichi. Ichi nyengo zose chikuchita. Ichi nyengo zose chizamuchita. Ichi chizamkwambaso yayi. Ichi chindamanyikwepo mu mudauko. Mu—mu Muwiro uwu wa Mpingo wa Laodikeya, Khristu wakaŵa kuwaro kwa mpingo, kukhung’uskanga, kuyezganga kuti wanjire. Ndipo iwo ŵakugomezga yayi Ichi. Iwo ŵakupulikira yayi ku Ichi. Sono ise tikusanga, ora ilo ise tikukhalamo, suzgo lanjira.

¹⁰² Ndipo pamanyuma ise tikwamba kusanga kuti, minthondwe yikuchitikaso yayi, ngati ndiumo yikachitikiranga. Ŵarwari ŵakuruta kunyumba mbarwari. Ndi chifukwa cha Chiuta yayi. Ndi chifukwa cha kusoweke chisisimuso pakati pa ŵanthu. Kulije chisisimuso. Iwo—iwo ŵakukhala pasi na kupulikizga; ŵakuruta kunyumba, ŵakuti, “Enya, ine nkhusachizga kuti ula wanguŵa uweme chomene. U-huh.” Wonani, palije kukhumbisiska kula. Mulije chinyake chira mu ŵanthu icho chikwenera kuti chiŵemo.

¹⁰³ Ine nkhuumbuka virimika fifitini vyajumpha, kuno mu Arkansas, para ine nkhaŵa na ungoro uchoko kunena kula pa Jonesboro, para ŵanthu pakunji fote sauzandi ŵakayezganga kuti ŵaŵepo pa uwu, ŵakiza ku ungoro ku msumba pa pakunji chamudera mu fifitini sauzandi. Ndipo iwo ŵakakhala kusi kwa malore ghakunyamura thonje na chinyake chirichose, ndipo ŵakaŵika mapepala pa ŵana ŵawo ŵarwari, kuti ŵanjire waka mkati. Iwo ŵakakhala mu mipando yawo ndipo ŵakafumapo yayi, muhanya na usiku, ndipo ŵakatuma ŵakutemweka ŵawo kuti ŵakagure chingwa chakuŵikamo nyama na a—botolo la chakumwa; ndipo ŵakakhala kwenekula, dazi kufuma ndipo dazi kunjira, dazi kufuma ndipo dazi kunjira. Mitima yawo yikagoleranga, pa moto. Chinthu waka chichoko chomene icho

Chiuta wakachita, chikaŵakhuŵirizga iwo. Ndipo mahandiredi gha iwo ŵakazomerezga.

¹⁰⁴ Iyo ndi Chiuta mweneyura, usiku uwu, icho Iyo wakaŵa virimika fifitini vyajumpha. Iyo ndi Chiuta mweneyura, usiku uwu, icho Iyo wakaŵa para Iyo wakalenga kuchanya na charu chapasi.

¹⁰⁵ Kweni kasi ichi ntchivichi? Ise tose tasekerera ndipo tikakhumba kuti tikuzge mabungwe ghithu, tikakhumba kuti tikuzge *ichi*, na kuzenga *ichi*, na kupanga chinyake chikuru na chakuŵara, kulinganizga na ŵa Joneses, na ŵa Methodist, na ŵa Baptist, na wa Prezibetere. Imwe ndimwe wa iwo yayi. Yayi, imwe muli yayi. Iwo ndi ŵanthu ŵa bungwe, cheneicho ntchiweme, nkhuŵasuska yayi iwo. Kuli Ŵakhristu ŵanandi ŵaweme pakati pawo, kweni imwe mukwenera kwendezgananga nawo yayi mwaŵene mu magulu ghara ghambula kugomezga. “Ŵanthu awo ŵakukana Nkhongono yake,” imwe mukwenera kwendezgana nawo yayi iwo.

¹⁰⁶ Imwe mukumanya, suzgo la ichi ndakuti, imwe mukuyezga kunjizga Hollywood mu tchalitchi. Chinthu icho imwe mukwenera kuyezganga kuchita ndi kufumiskamo Hollywood mu tchalitchi. Mukuwona? Imwe mukuyezga kupanga nyumba yinu yakutowa chomene, imwe mukuyezga kupanga bungwe linu kuŵa likuru chomene, mpaka ili likopenge tcheru cha ŵanthu. Ise tingaruta ku chigaŵa chawo yayi. Ise tikwenera kuti tiŵatorere iwo ku chigaŵa chithu. Chirichose chakunyezimira, kumbukirani, Hollywood wakunyezimira na vyacharu, apo Ivangeli likuŵara mu kujikhizga. Pali mphambano yikuru pakatikati pa kunyezimira na kuŵara. Ivangeli likuŵara mu kujikhizga, na kuzika, na kujiyuyura, na nkhongono. Apo, Hollywood wakunyezimira, ndipo waliyose wakukondwera na kuchemerera, na kurutanga ku ichi. Mukuwona? Ise tikukhumba icho yayi.

¹⁰⁷ Ise tikukhumba kukhala umoyo wa Kuŵara kula. Iyo wakati, “Imwe ndimwe muchere wa charu chapasi.” “Usange muchere wasukuruka,” iyo ndi nkhongono yake mu Ivangeli. Ise tikwenera kuŵa na chinyake chiyendenge mu matchalitchi ghithu, kuti ŵa Methodist, ŵa Baptist, ŵa Prezibetere, na iwo wose, ŵakhumbenge kuti ŵafike. Ise tikwenera kuŵa ŵakunowa chomene! Muchere ukupangiska nyota, ukulenga nyota. Muchere ndi chakunoweskera, usange uwu mwaurya. Uwu ukwenera kuti upulikikwenge.

¹⁰⁸ Ndipo ise tikusanga kuti, kwimba kwithu kukuru kukuyezga kukozgana na Methodist na Baptist, na nyumba zikuru na malo ghakuru, na ŵanthu ŵaweme ŵakusambira, na sukulu zikuru na makoleji ghakuru, na chirichose ngati nthaura. Ise tapurukira ku kwimba, ndipo apa suzgo lanjira.

109 Ndipo lingaliro lauzimu likulaŵiska ndipo likuti, “Apa, lindizgani miniti pera, kasi tose ise tizomerezgenge Mphara yira ya Chisanisani? Kasi gulu lithu lose linjirenge mu ichi?” Nadi, imwe mukuruta. Icho ndi ndendende. Imwe lindizgani ndipo muwone usange imwe mukuchita yayi. Baibolo likayowoya kuti imwe muzamuŵamo, ndendende, ndipo Khristu wazamkuŵa kuwaro. Mwezi ukazimwa wekha pambere papa (wakudanga uyo wakaruta ku Rome), usiku unyake, kumuwoneskani imwe chimanyikwiro kuchanya. Chambula kuroskereka, ichi chikachita ichi. Umo Fumu yikuchitira vinthu mu nyengo iyi, mwamunthondwe!

110 Ntheura mu ora likuru ili la mdima, para iwo ŵakaŵa kula, mphepo zikakalipa. Vigomezgo vyose vya kuŵa ŵamoyo vikamara. Sono kasi imwe muchitenge vichi usange bungwe linu lanjira mu Mphara ya Chisanisani? Kasi chizamuchitika ntchichi pamanyuma ku vinthu vyose vikuruvikuru ivyo ise tikazenga pasi pano, chigomezgo chaumaliro chamara?

111 Kweni imwe mukumanya, apo iwo ŵakaŵa pafupi kulira, ndipo vigomezgo vyose vikamara, iwo ŵakatondeka kuthaskika; ndipo mbwenu kwamabuchibuchi, iwo ŵakamuwona Iyo wakwiza, wakwenda pa maji. Mu ora la mdima, Iyo wakiza, wakwenda.

112 Imwe mukumanya kasi? Para Iyo wakati waŵaleka iwo, Iyo wakamanya kuti chira chichitikenge, ntheura Iyo wakakwera phiri litali chomene ilo likaŵako mu charu. Pachanya chomene imwe mukuruta, patali imwe mukulaŵiska. Ndipo Iyo wakakwera pachanya mwakuti Iyo wangamanya kuŵalaŵiska iwo, imwe mukumanya.

113 Ndipo Iyo wakamanya kuti ichi chifikenge. Iyo wakaroskera dazi ili kuti liwengeko uku. “Umo kukaŵira mu mazuŵa gha Sodom, ntheura ndimo kuzamkuŵira pa kwiza kwa Mwana wa munthu, para Mwana wa munthu wakuvumbukwa.” Ntheura, Mwana wakwenera kuti wavumbukwe. Muwiro uheni uwu na wavigoloro upenjeje chimanyikwiro. Uwu uzamkuŵa nacho chimanyikwiro. Uwu uzamkuchikana ichi umo iwo ŵakachitira kale, kweni ichi chizamkuŵa chimanyikwiro cha chiwuka. Iyo wachali wamoyo, kuchitanga umo Iyo wakachitiranga.

114 Ise tikuwona, kuti mu ora likuru ili, ŵasambiri ŵara wose ŵakatimbanizgika, Iyo wakakwera pachanya mwakuti Iyo wangamanya kuŵalaŵiska iwo. Iyo wakakhala pachanya apo pa phiri, kuŵalaŵiskanga iwo.

115 Ndipo sono Iyo wakakwera phiri yayi nyengo iyi, kweni Iyo wakakwera kufuma mu dindi, wakaporota mu mphepo, kujumpha mwezi, nyenyezi, mpaka Iyo wakaruta kuchanya chomene mpaka Iyo wakuchita kulaŵiska pasi kuti wawona Machanya. Ndipo kula Iyo wakhala, Pachanya nkhanira.

Sono jiso Lake liri pa mpheta, ndipo ine nkhumanya Iyo wakutlaŵiska ise. Iyo wakulaŵiska.

116 Ndipo nkhanira pano mu ora ili la mdima, apo mipingo yose yanjira mu ndondomeko zikuru, ndipo iwo ŵali na ndondomeko *iyi* na ndondomeko *iyoy*, vyose kunozgeka ngati ndiumo mipingo yinyake yose yachitira, mabungwe. Ndipo kasi kwachitikachi? Mu ora la mdima, apo ŵanthu ŵeneko ŵakuzuzgika-mzimu ŵakuzukuma, “Kasi kuchitikenge vichi? Laŵiskani ŵana ŵane!” Mwanarumi wakuti, “Muwoneni muwoli wane! Wonani *ichi!*”

117 Ndipo iwo ŵakufuma pa Sabata, panji ungoro wa mapemphero pa Chitatu usiku, mwaluŵiro, mwakuti iwo ŵangaruta na kukalaŵilira *Ise Tikumutemwa Sucey*, panji chinyake ngati icho, pa television. “Ŵakutemwa charu, kuruska kutemwa Chiuta.” Kuchitanga ngati iwo.

118 Ine nkaphalira dona dazi linyake, iyo wakavwara chakufyenyanya chomene. Ine nkhati, “Mlongosi, diresi ilo ndakufyenyanya chomene. Panyake chingawoneka makora yayi kwa ine kukuphalira iwe icho, kweni ndakufyenyanya. Iwe ndiwe Mukhristu, ndipo iwe ungamanya kupanga chikhuŵazgo.”

119 Iyo wakati, “Enya, M’bale Branham, iwe ukumanya kasi?” Iyo wakati, “Uwu ndi mtundu wekha pera iwo ŵakupanga.”

120 Ine nkhati, “Iwo ŵachali kuguriska salu, ndipo iwo ŵali na makina ghakusonera. Paliye pakugwenthera.” Enya.

121 Tegherezga, reka ine ndikuphalire chinyake iwe, mubwezi wane. Nkhunyoza iwe yayi. Yayi, bwana. Ine nkhuvezga kukufumiskamo iwe mu utombozgi. Malinga mzimu ula uli mwa iwe, iwe uchitenge ichi. Uwo mbunenesko. Iwe ukwenera kuti ufumemo mu uwu. Sono iwe ungamanya kujikhungurufya wamwene pa kayowoyero ako, kweni reka ine ndikuphalire chinyake iwe, wona, “Icho mtima wako uli, kwenekuko ndiko kuli chuma chako.”

122 Reka ine ndikuphalire iwe. Iwe panyake ungaŵa waka mutuŵa ngati luŵazoto kwa mfumu wako, ndipo panyake iwe ungaŵa waka mutuŵa ngati luŵazoto, wamsungwana mwanichi, ku chibwezi chako, kweni dazi linyake Chiuta wazamkukufumba iwe kuti ukazgore chifukwa chakuchita uzaghali. Iwe ndiwe wakwananga para iwe ukuvwara ngati nthaura. Yesu wakati, “Waliyose uyo walaŵiska mwanakazi na kumudokera iyo, wachita kale chigoloro na iyo mu mtima wake.” Ndipo para mwanarumi yura wakwenera kuti wakazgore, wakwananga yura, chifukwa cha kukulaŵiska iwe, chifukwa cha kuchita chigoloro, ndinjani wakapereka ichi kwa iyo? Ghanaghanani za ichi. Imwe ŵanakazi ŵa Pentekosite, soni kwa imwe! Mukuwona? Soni kwa imwe!

123 Ine nkhumutemwani imwe, ndicho chifukwa ine nkhuoyowoya icho. Chitemwa chikususka.

¹²⁴ Ise tiri pa nthimbanizgo yikuru, nthimbanizgo yikuru ya kavwaliro. Ichi chiri ngati waka, ndipo chikukozgana ngati, charu. Iyo wakati, “Kutemwa charu yayi, nesi vinthu vya m’charu; usange imwe mukuchita, chitemwa cha Chiuta chiri nanga ndi mwa imwe yayi,” ine nkhpwelera yayi kwali imwe mukuyowoya chomene uli malilime, kudukira muchanya-napasi, kuvina; kudumura sisi, kuvwara madiresi ngati agho. Iwe wamwanarumi ukuzomerezga ichi. Vipambi vyako wamwene vikukuphalira apo iwe uli. Uwo mbunenesko ndendende. Ndicho chifukwa ise tiri mu nthimbanizgo yantheura ngati ndi iyo ise tirimo, na mphepo za komunizimu, mphepo za chitchalitchi, mphepo za bungwe la chisanisani!

¹²⁵ Iyi ndi a—iyi ndi nyengo yakugumaniska, nyengo yakulumikizana. Mabungwe ghakuyezga kugumaniska malamuro gha ntchito, kukangana za ichi. Mafuko ghali na—United Nations, igho ghakulumikizana. Mipingo yikulumikizana pamoza. Kasi chose ichi chikuwoneska vichi? Ichi chikuwoneska kuti Khristu na Mkwatibwi wali pafupi kulumikizana. Ndicho ichi chikuyowoya. Mizgezge yose iyi ya vinthu yikuwoneska kwiza kweneko. Laŵiskani sono apo ise tikujara, chifukwa nyengo yanimalira chomene.

¹²⁶ Ndipo sono wonani, mu ora likuru lira apo chigomezgo chose chikamara, cha umoyo, iwo wakawona Munyake wakwiza, wakwenda pa maji, wakwiza. Ndipo chinthu, chigawa chachitima, tegherezani mwatcheru, chinthu chekha pera icho chikamanya kuwawwira iwo, iwo wakawa na mantha na ichi. Iwo wakati, “Ichi chikuwoneka ngati muzguka. Panyake ungaŵa, imwe mukumanya, mzimu.”

¹²⁷ Usange icho chindachitikeso! Iwo wakuchita mantha na Ichi. Iwo wakuchita mantha na kuwukwa, iwo wakuchita mantha na mtundu unyake wa nkhangono ya devulu; apo Yesu wakayowoya kuti Ichi chizamuchitika mu nyengo iyi. Chinthu chekha pera icho chingawawwira iwo ndi Yesu Khristu. Bungwe linyake yayi, iwo wose kugumanizigikanga pamoza yayi; icho chipangenge waka ichi kuwa chiheni chomene kuruska kale. Chinthu chekha pera icho chingamuvwirani imwe ndi Yesu Khristu.

¹²⁸ Ndipo para Iyo wakati walayizga kuti wazamkwizaso mu mazuwa ghaumaliro, mu kawonekero aka, na kuchita ichi, kulayizganga (kuyana waka na pambere mwana wa phangano waka wandafike kwa Abraham, mbewu yakudanga) mbewu yaufumu ya Abraham, Yesu wakati... wakati wazamuwona chinthu chentheuraso. Pambere wandafike Mwana wa phangano, Chiuta wajiwoneskerenge Iyomwene mu thupi na kuchita ndendende ngati ndiumo Yesu wakachitira, umo Iyo wakayowoyera kuti ndimo Iyo wazamuchitira, ngati ndiumo wakayowoyera kuti ndimo chizamuchitikira mu mazuwa ghaumaliro. Ndipo apa malayizgo ghose ghara, agho ise

tingamanya kughayowoya, mwa madazeni, nkhanira muno panthazi pinu, kuti ichi chikwenera kuti chichitike.

¹²⁹ Ndipo mipingo, iyo yikwenera kuti yinyoroske mawoko, kuti yipokere Ichi, “Ine nkchuchita mantha pachoko na Icho. Ichi ntcha mu gulu lithu yayi, wonani.” Ndipo iwo wakuchita mantha na Ichi. Chinthu chekha pera icho chingawatorera iwo kwa Khristu, ndi Khristu Iyomwene, ndipo iwo wakuchita mantha kuti Ichi ntchakofya. “O, ine nkhumanya yayi. Icho panyake ungaŵa muzguka, imwe wonani. Ndipo ine nkhumanya yayi za Ichi.” Kuchita mantha na chinthu chekha pera icho chingamanya kuŵavwira iwo.

¹³⁰ Ndipo mu ora lira la kutimbanizgika, mpingo ula wakusoreka, gulu lira lakhala kula, kuchita mantha kuti panyake ungaŵa muzguka, iwo wakakhumba yayi kuŵa na chinyake chakuchita na ichi. Pamanyuma kukiza Lizgu lira lakunowa, “Kuchita mantha yayi. Ichi Ndine.”

¹³¹ Iyo ndi Mazgu. Ndiyo yayi Iyo? [Gulu likuti, “Amen.”—Munozgi.] Iyo wakusinthu yayi, kuŵa Mazgu. Sono imwe mukupulika yayi Mazgu ghakuyowoya, usiku uwu, “Iyo ndi mweneyura mayiro, muhanyauno, na muyirayira. Kuchita mantha yayi; ichi Ndine?” [“Amen.”]

Tiyeni tisindamiske mitu yithu.

¹³² Wadada Wakuchanya, a—kumise kwawotcha. Maora nga mdima, umo kuti Moto wafumapo pa guwa. Imwe mukuvuna mu munda. Imwe mukati, “Ufumu uli ngati munthu uyo wakatora mkwawo ndipo wakaruta ku nyanja, wakaponya uwu, ndipo para iyo wakati wauzuwura. Ufumu ukaŵa ngati nthaura.” Fumu Chiuta, dazi linyake somba yaumaliro yira iyo yiri mu maji ghara! Imwe mukati, “Iwo wakakora mitundu yose.” Mkwawo ula wa Ivangeli ukukora mtundu wose; uwu ukakora wachule, wafulu, waduŵeluŵe, njoka, somba ya mlamba. Ise tikumanya yayi icho uwu ukukora, kweni mukaŵa somba zinyake mwenemula izo Imwe mukapenjanga. Imwe ndimwe Mweneuyo ndi Mweruzgi. Kweni ise tikuwona, mwaluŵiro fulu, chule, na vyose, vikuweraso ku khululu la mathope, kuwera ku maji. Kweni dazi linyake somba yaumaliro yira iyo yikakhozgeka, yikasankhikirathu kuti yizenge, chiŵaro chaumaliro chira cha Thupi, chizamutoreka kufuma mu nyanja yira.

¹³³ Imwe mukaponya mkwawo mu mazuŵa gha Lutera, na Wesley, Alexander Campbell, John Smith, Calvin, Knox, Finney, Sankey, wanyake nthaura; mu muwiro wa Pentekosite, mazuŵa gha F. F. Bosworth, na Frochman, wanarumi wakuruwakuru ŵara. Imwe mukaponya mikwawo, mazuŵa gha Billy Sunday, kurutirira kukhira mu muwiro.

¹³⁴ Ndipo sono imwe muchali kupenja mu nyanja. Kasi walipo yumoza wa iwo wali muno usiku uwu, Fumu? Usange

walipo, uli iwo mphanyi wanguwa ngati mwanakazi muchoko yura pa chisime. Nanga ndi mu kawiro kake ka uzaghali, iyo wakamanya ndithu kuti Imwe mukawa Mesiya. Iyo wakachiwona chimanyikwiro chira. Chira chikakwanira. Iyo wakati, “Ine nkhuwona kuti Imwe ndimwe muprofeti.” Iyo wakawavye ghanoghano lakuti yura wanguwa Mesiya. Iyo wakati, “Ise tikupenja Mesiya,” mu mazgu ghanyake. “Ise tikumanya kuti para Mesiya wafika, Iyo wazamkutiphallira ise vinthu ivi.” Ndipo Imwe mwanguti, “Ine ndine Iyo.” Chira chikakwanira.

¹³⁵ Sono, usiku uwu, Fumu, rekani iwo wachiwone icho, “Ichi Ndine; kuchita mantha yayi. Ili ndi phangano Lane.” Chizgani warwari, Fumu, ponoskani wakutayika, zuzgani wamwazi.

¹³⁶ Mphanyi ise tirute usiku uwu, na kuyowoya mkati mwithu, apo ise tikuruta, ngati iwo awo wakafuma ku Emausi, “Kasi mitima yithu yagoleranga yayi mkati mwithu apo Iyo wayowoyanga kwa ise mu nyumba, Kuwapo Kwake Kwauzimu!” Umo iwo wakamanyira kuti mukawa Imwe, iwo wakamuchemani Imwe kuti munjire ndipo maso ghawo ghakajurika. Mphanyi waliyose wa ise, usiku uwu, wamuchemani Imwe munjire. Usange ise tikupulikiska yayi Ichi, uli mphanyi ise timuchemani Imwe, mulimose. Ndiyo nthowa yekha pera Imwe mungajivumbulira Mwaŵene.

¹³⁷ Ndipo ise tikuwona umo Imwe mukajivumbulira Mwaŵene pamanyuma pa chiwuka Chinu, Imwe mukachita chinyake mu kachitiro kenekala ako Imwe mukachita pambere kundachitike kupayikika Kwinu. Sono fikani usiku uwu, Fumu, Imwe mukayowoya kuti Imwe mukawa “mwene yura mayiro, muhanyauno, na muyirayira.” Chitaniso, kwa ise, ngati ndiumo Imwe mukachitira mu mazuwa para Imwe mukimilira kuno mu thupi, pa charu chapasi. Ise tirutenge kunyumba, wamitima yakupepuka, ngati wara. Mu Zina la Yesu ise tikuromba. Amen.

¹³⁸ Sono mu chisopo, usiku uwu, ine nkhumanya kwafunda chomene, ndipo ise takhala na maminiti twente kuti tifume mu nyengo yake. [Pa tepi palije kalikose—Munozgi.] Ine ndiri . . .

¹³⁹ Ine ningalekeska yayi panji kutondeska vinthu ivyo ine nkuchita. Ine nkhwendeskeka na Chinyake, ine nyengo zose ndiri kuwa, umoyo wane wose, ndipo nyengo zose Ichi chiri kuwa chaunenesko. Ichi chindani phalirepo ine chinyake kweni icho chikaŵa mu Baibolo. Ine ningachilekeska yayi ichi. Ine ningachita chirichose yayi za ichi. Ichi chikuchita waka ichi, mulimose. Ndipo ine nkhumanya, usange ine nkhopulikira, wakaŵako munyake uyo wakuchikhumba ichi. Ndipo ine ndiwenge wakugomezgeka. Ndipo pa Dazi lira, ine nkhuhumba kuti, ngati ndiumo Paulos mukuru wakayowoyera, “Kulije ndopa za munthu ziri pa woko lane.” U—huh. Ine—ine

nkhukhumba kuti ndimuphalireni Unenesko imwe. Ntha kuti ine . . . Ine nkhumutemwani imwe.

¹⁴⁰ Ndipo usange iwe ukaŵa na mnyamata muchoko . . . Sono ghanaghana za ichi, dona, iwe wamweneiwe nangukupweteka kanyengo kachoko kajumpha, imwe ŵalongosi na sisi lakumeta na vinthu. Usange ine . . . Usange imwe mukaŵa na mnyamata muchoko wakhala kuwaro pa msewu, ndipo imwe mukati, “Junior, wakutemweka, iwe ntchiweme ufumeko, wakutemweka. Panyake kungachitika, ine nkhumanya yayi, iwo panyake ŵakugandenge iwe.” Imwe mukumutemwa yayi mwana yura. Uwo mbunenesko. Imwe murutenge kuwaro kula na kusupura chikumba pa iyo, panji kurupanga iyo kuti wafumeko. Uwo mbunenesko. Imwe mukumutemwa iyo.

¹⁴¹ Umo ndimo Ivangeli lirili. Chiuta wakumutemwani imwe. “Ndipo iwo ŵeneawo Iyo wakuŵatemwa, Iyo wakuŵalanga ndipo wakuchenywa mwana waliyose uyo wakwiza kwa Iyo.” Usange imwe mungazizipizga yayi kulangika, imwe mukufumapo ndipo mukukwiya na ichi, ntheura imwe ndimwe ŵana ŵa pathengere, imwe ndimwe ŵana ŵa Chiuta yayi. Ntheura kumbukirani waka, ichi ndi Lemba.

¹⁴² Sono lizgu kufuma kwa Iyo, lizgu limoza, ling’anamurenge vinandi kuruska ivyo ine ningayowoya, nyengo miliyoni za umoyo. Ndi Iyo. Ise tikulimanya phangano Lake. Ise tikumanya icho Iyo wakalayizga kuchita. Sono ine nkhumanya yayi kwali . . . wakachita . . . ise tichitenge kufuma . . .

¹⁴³ Kasi iyo wanguperekaso makadi? Kasi iwe wangupereka makadi muhanyauno? Kasi languŵa vichi? J, viri makora. Viri makora, kuti tisunge nyengo, tiyeni tiyambire waka pa nambala wanu. Sono, igho panyake ghali palipose mu nyumba. J, nambala wanu.

¹⁴⁴ Ndipo sono ise tiri na kulimbirana kunyake. Ise tikayambira pa, nyengo yimoza, kufumira pa limoza *ili*, nyengo yakusazgirako, ŵanyake kumanyuma na kunthazi, na mumphepete, kweni ise tikawona kuti iwo ŵakulimbirananga kudera kuno. Kweni munthu waliyose uyo wafika, dazi lirilose, wali nawo mwaŵi wakunjira mu mzere. Icho chikung’anamura kuti pakuti imwe muli muno yayi . . .

¹⁴⁵ Kasi mbalinga ŵakumanya, mu ungoro uwu, ndi pafupifupi kwandaniska kaŵiri awo ŵachizgika mu gulu, ngati ndiumo ŵakachizgikira kunena uku? Nadi, imwe mukumanya ichi. Wonani, kadi lapemphero mwakuphweka ndakupanga waka kuti ŵanthu ŵakhale pa mzere uku, ŵali na Mzimu Mutuŵa pakati pawo, ntheura umo imwe mukuzgoŵerera kuchitanga ichi. Ise tikukhumbika nanga nkhuŵa nalo yayi ili sono nthena. Ise tingamanya kughaleka makadi ghapemphero.

¹⁴⁶ Ngati ndiumo ise tikachitira usiku wamara, ise tikaŵavaye makadi gha pemphero usiku wamara. Mzimu Mutuŵa wakaruta

pakati pawo awo wakaŵavye makadi gha pemphero. Ndipo ine nkhwona vinthu vinandi ivyo ine nkhayowoyapo kalikose yayi, chifukwa ine nkhamanya yayi kwali ichi chikaŵa ntheura panji yayi. Chifipa ichi chikalendera ndithu pa iwo, ndipo ine nkchahileka waka ichi. Ine nkhamanya yayi. Chindichitirenge chiweme yayi kuŵachema iwo. Chirichose Iyo wakuyowoya ntchaunenesko, ntheura tegherezani ku icho Iyo wakuyowoya.

¹⁴⁷ Sono kasi iwe wanguyowoya kuti lira languŵa J? J, nambala wanu. J, nambala wanu, ndinjani wali na kadi la pemphero, kwezga muchanya woko lako. Iwe ukwenera kuti wanangiska, wamwana; likwenera kuti ndinyake. . . O, phepani. O, kumanyuma uko musi mwa chiliŵa kumanyuma. Zanga kuno, dona. Iwo—iwo wákwiŵa waka na makadi agha sono, mnyamata, M'bale Borders panji Billy, yumoza, nyengo zinyake wose ŵawiri, wákuszga makadi ghara panthazi pinu, ndipo pamanyuma wákumupani imwe kadi linu, lililose imwe mukukhumba. Ise tikumanya yayi, iwo wákuchita waka. . . Munyake *uyu* panyake wangatora la nambala fayivi, ndipo munyake *uyo* wakutora la nambala seveni, munyake *uyu* wakutora la nambala fifitini, ndipo munyake *yura* la nayintefayivi, ndipo ise tikumanya yayi. Ndipo pamanyuma, kamozaso, para ine nkhwiza, ine mbwenu, lililose lafika pa mtima wane, ine nkchuchema kufuma penepapo, paliŵe kanthu kwali ili liri nkhu. Ine mbwenu. . . Usange ine nkchuti. . . Nyengo zinyake ine nkchupenda kasi mbalinga ŵali mu mzere, ndipo nkchugawapo na ŵeneawo ŵali ku mzere uwu na kusanga zgoro. Mukuwona? Ndipo pamanyuma, usange ine nkchuchita yayi, chifukwa, ine mbwenu. . . lililose ilo ladanga kufika ku malingaliro ghane, ine nkchuchema.

¹⁴⁸ Nambala wanu. J, nambala thu. Nambala thu, nambala firi, nambala foru, nambala fayivi, nambala sikisi, seveni, eyiti, nayini, teni, rekani iwo wáfike, wonani. Wanu, thu, firi, foru, fayivi, sikisi, seveni, eyiti, nayini, teni. Icho ntchiweme. Ndimu muchitirenge, fikani nkhanira. . . Lindizgani, yumoza wanguwuta kudera kunyake. Ine nanguŵa. . . Wanu, thu, firi, foru, fayivi, sikisi, seveni, eyiti, nayini. Uwo mbunenesko. Sono, uku, ili liri uku, teni. Viri makora.

¹⁴⁹ Eleveni, thweluvu, satini, fotini, fifitini. Apo ndi fayivi ghakuszgikirapo. Wanu, thu, firi, foru, fayivi. Yewo, icho ntchiweme.

¹⁵⁰ Sikisitini, seventini, eyitini, nayintini, twente. Wanu, thu, firi, foru. Ine nkchuwona foru pera. Twente, kasi wa twente wanguzgora? Viri makora. Sono, ise tikukhumba yayi kutora ŵanandi chomene ŵayimilire pa nyengo yimoza. Sono usange ise tamarana nawo aŵa, ndipo nyengo yichali chomene, ise titorenge ŵanyake wákuszgirapo. Ise tikuchema yayi. . . Panyake ise. . .

¹⁵¹ Tiyeni tiyezge wanyake pachoko wakusazgirapo. Tiyeni tiyezge wankhonde wakusazgirapo. Twente-wanu kufika twente-fayivi, mu wa J, rekani iwo wayimilire usange imwe mungachita. Twente-wanu kufika twente-fayivi. Wanu, thu, firi, kumanyuma nkhanira uko, foru. Wanu, thu, firi, foru, apo ndi fayivi. Yewo, sono tiyeni tilekezgere waka apo. Muli twente-fayivi mu mzere, ndipo iwo wali—iwo wakupanga mzere kusika uku.

¹⁵² Sono ine ndimufumbeninge imwe kuti mundichitire chinthu chimoza. Uli imwe mundipe ine chinu chambula kugaŵikana . . . Perekani kwa Chiuta tcheru chinu chambula kugaŵikana, pa maminiti ghanyake fifitini, sikisitini. Kasi imwe muchitenge icho? Ndipo kasi imwe muchitenge ichi, mujurenge mtima winu? Sono kumbukirani icho ine ndayowoya. Kuzomerezga yayi ichi chijumphe pa msana winu, ngati maji kuwanga pa msana wa baka, umo kaliri kayowoyero kakale. Kuchita icho yayi. Zirwiskani Ichi.

¹⁵³ Usange ine nkhumuphalirani imwe chinyake icho chiri mu Malemba yayi, na phangano la ora, imwe ndimwe wanangwa kukumana na manejara kuno ndipo mwize muzakandiphalire ine za ichi. Uwo mbunenesko. Ine—ine nkhusambizga chinyake yayi kweni icho chiri mu Mazgu. Ndipo usange ine nkhuwoya makora na Mazgu ghara, ndipo usange ine nkhuwoya kuti Ichi chiri mwantheura, ndipo Chiuta . . . Ichi chiri mu Baibolo. Usange Mungelo wa Fumu wakandiphalira ine chinyake icho chikaŵa mu Baibolo yayi, uyu mbwenu waŵenge Mungelo wa Fumu yayi. Uwo mbunenesko. Iyo panyengo yimoza wali kundiphalirapo yayi ine chinyake kweni icho chikaŵa mu Mazgu, ndipo imwe ndimwe wakaboni wane. Iyo wandayowoyepo chinthu chimoza, kufuma pa mahandiredi gha masauzandi na masauzandi, na viyowoyero vya charu, Iyo pa nyengo yimoza kuti wakayowoya chinyake chakwanangika, panji wakayowoya chinyake icho chikakwaniriskika yayi.

¹⁵⁴ Tegherezani. Fumbani manejara na iwo kuno. Chose icho imwe mukuwona apa, ndi chigaŵa chichoko cha icho. Ndi unenesko uwo, wabale? [Wabale wakuti, “Mbunenesko.”—Munozgi.] Chifukwa, kuwaro kula, na kuwaro mu umoyo wakuseri, uko Iyo wakuti, “Ruta kusika ku malo agha, ndipo ukawone *ichi*. Ndipo *ichi* chizamuchitika. Ndipo ukayowoye *ichi* kudera uku, kusika *uku*.” Ichi ndi rutaruta, nyengo zose, wonani, chirimika kwamba na kumara. Wanthu mu gulu wakuwona waka a—vinthu vichokovichoko. Kweni sono usange imwe muŵenge wantchindi.

¹⁵⁵ Sono kasi waliyose mu mzere uwu wa pemphero, wayimilira muno, ndi mlendo kwa ine? Kwezgani muchanya mawoko ghinu usange ndimwe walendo. Viri makora. Kasi ndi walinga kuwaro uko, wakumanya kuti ine nkhumanya kalikose yayi za imwe? Kwezgani muchanya woko linu. Sono apo . . . Yewo.

Ine nkhpwelera yayi apo imwe muli, usange imwe muli mu chipinda cha muchanya, kumanyuma mumphepete mwa chiliwa, kusika kudera *uku*, palipose imwe muli. Ine ndichitenge. . .

¹⁵⁶ Sono, ichi ntchakumuchitirani imwe uweme. Ichi ntchaphindu kwa imwe. Wonani, ichi ntchaphindu kwa imwe.

¹⁵⁷ Ine nangughanaghana kuti yura wanguwa mzukulu wane muchoko wandiyowoyeskanga ine, kweni wanguwa yayi. Ine ndiri na mzukulu muchoko muno pamalo ghanyake, usiku uwu, iyo pakunji ndi wa msinkhu wantheura, ndipo ine nangughanaghana kuti wanguwa Paulos muchoko. Iyo nyengo zose wakayowoyanga kuti iyo wazamkwiza, wayimilirenge pa gome, kupharazga m'malo mwa ine, ndipo iyo wandafike nanga ndi virimika viwiri vyakubabika. Ine nkughanaghana kuti mnyamata muchoko yura wakupenja mama wake.

¹⁵⁸ Ntheura kumbukirani, ine nkhuvezga kumovwirani imwe. Ine. . . Chiuta wakumanya icho. Ine nkhuvezga kumovwirani imwe, wonani. Sono wonani, ine nkhuKhumba kuti imwe musange phindu, usange Iyo wafika pakati pithu.

¹⁵⁹ Sono ghanaghanani za ichi, Munthu Yesu Khristu kutewetanga mu thupi, umo Iyo wakalayizgira kuti Iyo wazamuchita mu yaumaliro. Kasi mbalinga wakumanya kuti Iyo wakalayizga icho? [Gulu likuti, "Amen."—Munozgi.] Ngati ndiumo kukaŵira kusika kula ku Sodom, para Mungelo wakarazgirako msana Wake, ndipo a. . . Yura wakaŵa Chiuta. Kasi imwe mukugomezga yura wakaŵa Chiuta? Kasi mbalinga wakugomezga yura wakaŵa Chiuta? ["Amen."] Nadi, wakaŵa. Baibolo likati wakaŵa. Ndipo Iyo, Yesu, wakayowoya za ichi. Sono wonani.

¹⁶⁰ Sono imwe kuwaro uko wambula kadi la pemphero, ine nkhuKhumba kuti imwe mundichitire chinyake ine, palipose imwe muli. Sono kumbukirani, vintu ivi, wonani para Ichi chikumuphalirani imwe kuti mwachizgika, panji icho Ichi chikumuphalirani imwe chakuti muchite. Wonani icho Ichi chikuyowoya. Usange Ichi chikumuphalirani waka imwe, icho ntchakuti chikuzge chipulikano chinu. Ndipo ntheura para chipulikano chinu chafika pa chigamuro, iwe ukujipereka waka ndipo ukumuzomera Chiuta. Ichi ndine yayi, chifukwa Dada Wakuchanya wakumanya.

¹⁶¹ Ine nkhuŵiska pasi ku mzere uwu uku, ine nkhuwonako munthu yumoza yayi ine nkhumumanya. Ine nkhuwona waliyose yayi kweni pakunji waŵiri panji watatu mu gulu lose, awo ine nkhuŵamanya. Ndipo ine nkhumanya yayi umo, sono nthena, ine ningamanya kuyowoya, ndiwoneskeni yumoza. Ine nkhumanya kuti Edmund Way wanguwa kuno maminiti ghachoko ghajumpha. Ine nangughanaghana kuti nangumuwona iyo, ndipo ine—ine nanguphonya. . .

162 Usange ine nkhumungiska yayi, ine nkhuwona munyake uyo ine nkhumumanya, ndi mwanarumi na muwoli wake, na msungwana muchoko, wakuthyika Fritzingler, kufuma kunena mu Ohio. Kasi ndiwe, kasi ndiwe m'bale—M'bale Fritzingler? Iwe wakhala ngati mwa kusindama pachoko uko. . . . Uyo ndi M'bale na Mlongosi Fritzingler, kufuma ku Ohio, wabwezi wane.

163 Ndipo kuwaro kwa icho, wakhala kumanyuma kula, ndi a . . . Ine nkhuwona kumphepete kudera uku, ndi mwanarumi mulara chamudera mu virimika nayinte-thu vyakubabika, wakuthyika zina lakuti William Dauch. Iyo na muwoli wake. Iyo ndi nasi. William Dauch, mu Ohio, mubwezi wane nadi. Kale chomene yayi, iyo wakaŵa na, virimika nayinte-wanu vyakubabika, wakaŵa na suzgo la kubanika mtima, nthenda ya mtima, ndipo muwoli wake wakandifonera ine, kuti ndifike mwaluŵiro, iyo wakafwanga nkhanira nyengo yenyera. Ndipo pa . . .

164 Iyo wakaŵa mubwezi wa pantima chomene kwa ine. Pa ulendo wane kuruta kukamuwona iyo, ine nkhaŵa wakudandaula. Ndipo ine nkhayima, ndipo chimoza cha vingerengere vyane chikafumamo mu mzere, chikadumuranga waka tayara lane mu viduswa, ndipo ine nkharuta ku steshoni ya Texaco, nkhangurako mafuta, ndipo iwo wakiza, wakaliwona ili. Ndipo ine nkhayinuka, ndipo ine nkhwona M'bale Dauch wakwenda wakwiza ku tchalitchi kwane, wakukorako chasa chane. Ine nkhati, "Yirumbike Fumu." Ndipo ine nkhalawiska kumanyuma kudera uku, ndipo uku iyo wakwiza wakukhira na msewu, ndipo wakakorako chasa chane. Ine nkharuta kwa iyo.

165 Ine nkhwona dokotala wake, Muyuda mwanichi, panji mwanarumi wa msinkhu wa pakatikati, mwanarumi Muyuda. Ndipo ine nkhati, "Kasi wachitika uli iyo, dokotala?"

166 Wakati, "Iyo waliye nanga ndi mwaŵi wakuchilira." Wakati, "Iyo wali mu hema la kupokereramo mphepo." Wakati, "Iyo wafwirenge nkhanira mwenemula." Iyo wakati, "Kumbukirani, iyo wali na virimika nayinte-wanu vyakubabika."

Ine nkhati, "Enya, bwana."

167 Wakati, "Ndi kubanika kweneko kwa mtima. Palije icho chingachitika." Wakati, "Ndi nyengo yakuti warute."

168 Ndipo ine nkhati, "Enya, bwana. Kwani, yayi, iyo warutenge yayi. Mbweni kwamara."

169 Ine nkharuta mwenemula, nkhaŵika woko lane kusi kwa hema. Ine nkhati, "M'bale Dauch, kasi iwe ukundipulika ine?" Iyo wakandilawiska ine. Sono nadi, mu zina lake, iyo ndi mu German, D-a-u-g-h, ndipo ine nkhuzunura waka ili kuti Dauch, wonani. Ndipo ine—ndipo ine nkhaŵika woko lane kusi kwa hema, ndipo ine nkhati, "Iwe ukundipulika ine, M'bale Dauch?"

Iyo wakati, "Enya."

Ine nkhati, “Iwe ukuruta yayi. Ine nkhawona kuti iwe ukuruta yayi.”

¹⁷⁰ Sabata yimoza kufuma nyengo yira, chiyimilire mu tchalitchi lane, uyo wakwiza wakwenda wakunjira mu tchalitchi wakaŵa M’bale Dauch! Ine nkhamalizga ungoro ndipo nkharuta kusirya kwa mronga, ku malo ghakuryera, kuti nkharye. Ndipo para ine nkhati ndakhira galimoto, ndipo nkhayendanga kukwera na msewu, apa wakwiza M’bale Dauch na woko lake wanyoroska. Mboniwoni zira zikutondeka yayi.

¹⁷¹ Ndipo mwanarumi yura wa virimika nayinte-wanu vyakubabika, ndipo wakuruta ku ungoro uliwose, wakaŵa mu California. Uli iwe ukwezge waka muchanya woko lako, M’bale Dauch, wakhala uko, kuti ŵanthu ŵawone icho msirikali mweneko wali sono. Muno, wakhala nkhanira muno, wonani, virimika nayinte-wanu vyakubabika, ndipo wakuruta ku ungoro uliwose. Para ine ndiri pa kachisi, iyo wakutchika mahandiredi gha mitunda dazi lililose, kuti wandipulike ine nkhuŵarazga upharazgi uchoko, na kuwerera. Chiuta, “Kuzamkuŵa Kuŵara kunyengo ya kumise.”

¹⁷² Ine nkhuŵoyoya, dazi linyake ine nkhuŵoyoyanga kwa iyo, ine nkhati, “Kasi ine ningakuchitira vichi iwe, M’bale Dauch?”

¹⁷³ “Pemphe waka limoza, M’bale Branham. Para Iyo wafika, ine nkhuŵumba kuruta na Iyo.”

¹⁷⁴ Wakati, “Kudandaula yayi. Icho ntchakukhozgeka. Nadi.” Sono, mwanarumi wakagomezga, wakabapatizika, o, wakagomezga ndipo wakapokera ubapatizo wa Mzimu Mutuŵa na chirichose, muteweti waka muweme wa Khristu.

¹⁷⁵ Sono ine nifumbenge waliyose, mukhale mwantchindi chomene, imwe mulaŵiske kudera uku ndipo murombe.

¹⁷⁶ Sono kasi ndi ŵasambizgi ŵalinga muno ŵakumanya kuti Iyo ndi Msofi Mukuru, sono nthena, uyo wangamanya kukhwaskika na kapulikiro ka kufoka kwithu? [Gulu likuti, “Amen.”—Munozgi.] Enya, usange Iyo ndi mweneyura mayiro, muhanyauno, na muyirayira, ndipo Msofi Mukuru mweneyura, Iyo mbwenu wachitenge mwantheuraso. Yekha, Iyo, Thupi Lake liri pa a . . . pa Chizumbe cha Chiuta. Kasi mbalinga ŵakumanya icho? [“Amen.”] Thupi la Yesu liri pa Chizumbe cha Chiuta. Kweni Iyo wakugwiriska ntchito thupi lithu kuti wajiwoneskeremo Iyomwene, ngati ndiumo Iyo wakalayizgira kuti wazamuchita. “Milimo iyo Ine nkhuŵita imwe muzamuchita namweso.”

Ine nimufumbeninge imwe kuti mukhale chete, ŵantchindi mwakukwanira, muŵe maso, murombenge.

¹⁷⁷ Sono, Ŵadada Ŵakuchanya, ine ndayezga kuŵa waka wantchindi umo ine nkhumanya umo ningachitira, za ichi. Sono lizgu waka limoza kufuma kwa Imwe sono, Fumu, ndipo

ntheura mphanyi lakachetechete, Lizgu lichoko lifike mu gulu ili na kuti, “Ichi Ndine; kuchita mantha yayi.” Perekani ichi, Wadada. Ndipo ine nkhujiipereka ndamwene kwa Imwe, na Uthenga uwo wapharazgika usiku uwu, na Mazgu Ghinu kuti ghakhozgereke. Imwe mukwenera kuchita ichi yayi. Kweni usange Imwe muchitenge ichi, panji Imwe muchitenge ichi, chifukwa chakuti Imwe mukalayizga kuchita. Ine nkhuromba kuti Imwe muperekenge ichi, mu Zina la Yesu. Amen.

¹⁷⁸ Ndipo waliyose nkhanira mwantchindi, nkhanira mwantchindi. Kasi iwe uli makora? Sono ine ndikupenge iwe Lemba apo ise tikurutirira. Usange Fumu yazomerezga, ine nkhumanya yayi. Kweni mbwe-...Ndipo ine nakhala nkhuaparazga ngati ntheura, wonani, uwo ndi mtundu umoza wa kuzozga. Uwu ndi mtundu unyake wa kuzozga. Lira languwa waka thumbiko. Ichi, chinthu waka chimoza, chikutora waka umoyo mwa iwe.

¹⁷⁹ Sono dona wayimilira apa. Ine nindamuwonapo iyo mu umoyo wane. Kasi ndise walendo? Ine nkhuomezga iwe wanguyowoya, kanyengo kajumpha, ine nkhumanya yayi iwe. Chiuta wakukumanya iwe. Iyo wakundimanya ine. Kasi iwe ukumanya kuti icho ise tayimilira apa sono, ise tamkuzgora pa Dazi la Cheruzgo? [Mlongosi wakuti, “Amen.”—Munozgi.] Iwe ukumanya icho? Iwe ukumanya kuti icho ise tikuchita sono, Chiuta wamkutipanga ise kuti tikazgore pa ichi kuchanya kula? Ine nanguyowoya waka icho pa chirato. Sono, usange Fumu Yesu wavumbulenge kwa ine icho iwe ukuchita, icho chiri pa malingaliro ghako, panji chinyake ngati icho, kasi iwe ugomezgenge ichi? Iwe ukwenera kuti ugomezge icho, uchitenge yayi iwe? [“Amen.”]

¹⁸⁰ Kasi imwe mugomezgenge ichi kuwaro uko, imwe gulu? [Gulu likuti, “Amen.”—Munozgi.]

¹⁸¹ Sono ise tayimilira nkhanira ndendende ngati mwanakazi yura pa chisime, na Fumu yithu, mwanarumi na mwanakazi wakukumana pa nyengo yawo yakudanga. Mukuwona? Ise tiri apa, kukumana pa . . . Uyo ndi Yohane Mutuwa chipatulo 4. Sono usange Mzimu Mutuwa wayowoyenge . . . Usange iwe uli muno chifukwa cha munyake, usange iwe warwara, usange ndi muzgo la kunyumba, usange ndi masuzgo gha ndalama, chirichose icho chiriko, ine nkhumanya yayi. Kweni Iyo wakumanya. Kweni Iyo wangamanya kusanda maghanoghano agho ghali mu mtima wako. Iyo ndi Mazgu. Ine ningachita yayi. Ine ndine munthu. Iwe ukuchita waka manjenje pachoko, ndipo ndicho chifukwa ine nkhuuchita ichi, iwe wona.

¹⁸² Ilo ndi limoza la masuzgo ghako, ndi manjenje. Uwo mbunenesko. Ndipo iwe uliso na nthenda ya shuga, icho ndi chinthu chinyake icho chiri makora yayi na iwe. Uwo mbunenesko. Vyakukutangwaniska, vinthu waka vinandi viri

makora yayi. Ndi unenesko uwo? Usange uwo mbunenesko, kwezga muchanya woko lako. Mukuwona? Kasi iwe ukugomezga kuti Iyo wakuchizgenge iwe? [Mlongosi wakuti, “Ine nkugomezga.”—Munozgi.] Iwe ukugomezga? Sono, manjenje ghako ghakupangika chifukwa cha msinkhu wako, wona, kweni sono vyose ivyo vimarengi pa iwe. Ndipo ine nkugomezga kuti mwa chipulikano ise tirutenge ku Mphinjika, tamupokera Ndopa.

¹⁸³ Sono, icho ndi ndendende Iyo wakachita. Iyo wakamuphalira mwanakazi pa chisime ilo likaŵa suzgo lake. Lake likaŵa lakuti wakaŵa na ŵanarumi ŵanandi chomene. Lako likaŵa icho. . . Ine nkughanaghana kuti likaŵa manjenje, ndipo vinthu vinyake viŵiri panji vitatu vyakusazgirapo viri makora yayi na iwe. Uwo mbunenesko, ndi nthaura yayi? Icho ndi chinthu chenechira.

¹⁸⁴ Sono, para Iyo wakati wafika kwa Simon, Iyo wakamuphalira iyo icho iyo wakaŵa. Kasi iwe ukugomezga kuti Chiuta wangandiphalira ine kasi zina lako ndiwe njani? Kasi ichi chikupangenge iwe kugomezga chomene? Ichi chichitenge? Mrs. Strong. . . [Mlongosi wakuti, “Stout.”—Munozgi.] Stout, kasi iwe ukomezgenge? Rutanga ndipo gomezga, ndipo iwe. . . Chose chamara. Amen.

¹⁸⁵ Zanga. Iwe ukugomezga? Ine ndine mlendo naneso kwa iwe. Ine nkukumanya yayi iwe. Chiuta wakukumanya iwe. Kasi iwe ukugomezga kuti Iyo wangavumbula kwa ine kasi suzgo lako ndi vichi? Ndipo usange Iyo wachita, nthaura Fumu Chiuta watumbikike. Ndi unenesko uwo? [Mlongosi wakuti, “Enya, ndi unenesko.”—Munozgi.] Sono nthā—kuŵa wakudandaula yayi, wona, icho ndi—icho ndi Iyo, kuti iwe ukupulika icho. Viri makora. Iwe naweso ukusuzgika na kaŵiro ka manjenje, manjenje gha m’mutu, ndipo ukukwiya luŵiro. Ndipo iwe ukusuzgika na suzgo la chithuziro, chinyake chiri makora yayi na chiŵindi, ndipo ndopa ndi zichoko. Uwo mbunenesko. Iwe uli na chinyake. . .

¹⁸⁶ Chikurutirira kuŵa mwanarumi wakuwonekera apa. Kasi iwe ukugomezga kuti Chiuta wangakuchizga iwe? [Mlongosi wakuti, “Enya, ine nkugomezga.”—Munozgi.] Wachizge mfumu wako, nayoso, kumupanga iyo makora? Iwe ukughanaghana kuti suzgo la munthumbo limarengi, ndipo iyo waŵenge makora? Icho ndicho iyo wokusuzgika nacho. Ruta ukaŵike mawoko ghako pa iyo, ukamuphalire iyo nthaura, ndipo ichi a—ichi chimulekenge iyo.

¹⁸⁷ Ine ndine mlendo kwa iwe. Fumu Yesu wakutimanya tose taŵiri, wakuchita yayi Iyo? Kasi iwe ukugomezga kuti Chiuta wangakuchizga iwe? Usange Fumu Yesu wavumbulenge kwa ine chinthu icho. . . kuti iwe. . . icho chiri mu mtima wako, kasi iwe ukugomezga kuti Iyo wakuchizgenge iwe?

Iwe ukaŵapo na suzgo linyake. Iwe uli na—a—a suzgo la chithuziro, kuŵa chinthu chimoza. Ndipo chinthu chinyake, ichi chapangiska chithuziro chako kuŵa na vilonda, kweni icho ndicho dokotala wako wakayowoya. Sono, chinthu chinyake ndi, kuti iwo ŵakukhumba kuti ŵakupange oparesoni chifukwa cha icho. Uwo mbunenesko ndendende. Ndi unenesko yayi uwo? Sono kasi iwe ukugomezga kuti Iyo wangafumiskapo icho? Iwe ukughanaghana kuti chipulikano chako chiri mwa Iyo? Sono iwe ukumanya kuti icho ndine yayi nkuchita icho. Iwe ukugomezga? Viri makora. Rutanga, ndipo ndiumo iwe wagomezgera, ntheura ichi chiŵe ntheura kwa iwe.

¹⁸⁸ Ise ndise ŵalendo kwa yumoza na munyake, ine nkhusachizga. Fumu Chiuta wakutimanya tose taŵiri. Kasi iwe ukugomezga kuti Iyo ngwamagomezgeko kuvumbula kwa ine vinthu ivyo vingakovwira iwe? [Mlongosi wakuti, “Enya, ine nkhumanya ichi.”—Munozgi.] Iwe, iwe ukugomezga kuti Iyo wachitenge. [“Nkhugomezga.”] Ine nkhati. . . . “Ukugomezga,” icho ntchiweme chomene. Icho ntchiweme chomene. Sono iwe uli na vinthu vinandi viri makora yayi na iwe, vyakukutangwaniska vinandi chomene na vinthu, ndipo ngati chikhoso ntheura, ndipo iwe ukutondeka kuchira ku ichi. Ndipo iwe uli na wofi chomene. Ndipo—ndipo uwo, uwo mbunenesko.

¹⁸⁹ Kweniso, iwe uli na chakukunyekezga pa mtima wako, ndipo chakukunyekezga icho ntcha munyake, mweneuyo ndi mwana wako. Ndipo iyo wali na a—suzgo, suzgo linyake la kunyumba. Iyo na muwoli wake, iwo nyengo zose ŵakukangana na kurutiriranga. . . .? . . . Ndipo iwe wanyezgezga chifukwa cha ichi. Uwo mbunenesko. Sono iwe gomezga na mtima wako wose, ndipo lose ili limarenge ndipo lirutenge. Iwe gomezga sono. Fumu yikutumbike iwe.

¹⁹⁰ Kasi iwe uli makora, bwana? Ine ndine mlendo kwa iwe, ndipo—ndipo iwe ndiwe mlendo kwa ine. Ndipo ichi ndi—ichi chikwamba. . . Mboniwoni sono, ine nkhuwona, chikuwoneka ngati kuti nyumba yose yikupokera kuŵara, ngati kuti mukuzingilira kavuluvulu. Mukuwona? Kweni kasi iwe ukugomezga kuti Fumu Yesu wangavumbula kwa ine icho iwe wimilirira apo? Iwe ukugomezga kuti Iyo wangachita? Ine nkhuomezga icho, naneso. Ine nkhuoyowoya waka kwa iwe, kuti ndiwukore mzimu wako, ndendende ndicho ine nkuchitira ichi. Wona, ine nkhumanya yayi iwe, ntheura ichi chikwenera kuŵa chinyake padera pa ine chikuchita ichi. Ine nkhwenera kuti ndijifumiskepo waka ndamwene mwakukwanira kwa ndamwene, mwakuti Iyo wachite ichi Iyomwene. Iwe ukupulikiska?

¹⁹¹ Sono, chinthu chimoza, iwe ukusuzgika na kaŵiro kakuru ka manjenje, ndipo kaŵiro aka ka manjenje kali kuŵapo pa kanyengo. Uwo mbunenesko. [M’bale wakuti, “Uwo mbunenesko.”—Munozgi.] Ndipo kaŵiro ako ka manjenje kali

kukupangiska iwe kuŵa na kuchimbira kukuru kwa ndopa, nakoso. Ndipo iwe ukaŵapo na stroku. [“Uwo mbunenesko.”] Ndi ntheura. Nkhuti, panyake iwe ukaŵapo mupharazgi, panji ndiwe mupharazgi. [“Ine ndine.”] Sono iwe ndiwe mupharazgi; ine nkhuwona iwe ukimilira pa gome. Ntheura, uŵe na chipulikano mwa Chiuta, ndipo manjenje agho ghamalenge pa iwe. Ŵapharazgi wose ŵali nacho icho. Iwe uŵenge makora. Werera ku gome lako, ndipo ukamupulikire Chiuta ndipo ukakhale muneneska ku Mazgu ghara, Yesu Khristu.

¹⁹² Iwe ukugomezga suzgo lako la msana lamara pa iwe, wakhala mu mpando? Kasi iwe ukugomezga ichi? [Mlongosi wakuti, “Enya.”—Munozgi.] Viri makora, bwana, ntheura rutanga waka, kuyowoyanga, “Nkhumuwongani Imwe, Fumu.”

¹⁹³ Zanga, dona. Kasi iwe uli makora? Kasi iwe ukundigomezga ine kuŵa muteweti Wake? [Mlongosi wakuti, “Nadi nkhuomezga.”—Munozgi.] Viri makora. Kasi iwe ukugomezga kuti suzgo lira la udona, suzgo la ŵanakazi, limarengenge pa iwe? [“Amen.”] Iwe ukugomezga? Ntheura rutanga, yowoya, “Nkhumuwongani Imwe, Fumu.”

¹⁹⁴ Suzgo la ziso, suzgo la msana, mu msana wako. Kasi iwe ukugomezga kuti Chiuta wakuchizgenge iwe ndipo wakupangenge iwe wamusuma, kufuma ku icho? Iwe ukugomezga kuti Iyo wakuchizgenge iwe? Viri makora, nyamula yako...?...

¹⁹⁵ Zanga, dona. Ine ndine mlendo kwa iwe. Usange ine nkhuwoyenge kalikose yayi kwa iwe, chirichose, kasi iwe ugomezgenge kuti Kuŵapo kwa Chiuta kuli muno kuti kuchizge ŵarwari? [Mlongosi wakuti, “Nadi, ine nkhuomezga ichi.”—Munozgi.] Iwe uchitenge? Enya, usange iwe ukugomezga, suzgo lako la munthumbo...Ine nakuphalira iwe, iwe wona. Ili ndi—ili lamara. Ine nangukuphalira iwe, wona. [“Nkhumuwongani Chiuta! O, nkhumuwongani Imwe, Yesu.”]

¹⁹⁶ Kasi iwe uli makora, bwana? Chiuta wakukhala mu mtima. Ndipo mtima wako wakhala ukuwoneska apa mwasonosono, ngwakukomwa. Kasi iwe ukugomezga kuti Iyo wachizgenge uwu? Rutanga ulendo wako ndipo gomezga ichi. Chiuta wakutumbike iwe. Iwe gomezga; Iyo wachizgenge uwu.

¹⁹⁷ Iwe ukuchita manjenje, ghakakupangiska iwe kuŵa na suzgo la munthumbo, vilonda vya m’matumbo. Ichi chikukusuzga iwe para warya. Iwe ukugomezga lose ili lamara sono? Ruta ukajitorere wamwene chinyake chakuti urye.

¹⁹⁸ Chikukuŵira chinonono iwe kuti unyamuke, msana wakhala ukukusuzga chomene iwe. [Murwari wakuti, “Enya, bwana.”—Munozgi.] Uwu ukusuzgengeso yayi iwe, usange iwe ugomezgenge ichi. Uchitenge iwe? [“Enya, bwana.”] Viri makora, rutanga, ndipo mphanyi Fumu Yesu wakuchizge iwe kwathunthu.

¹⁹⁹ Kasi iwe ukuchita wofi chomene na vichi? Rutanga waka, yowoya, “Ine ndichitengeso wofi yayi,” ndipo iwe uchitengeso yayi. Rutanga ndipo gomezga. Viri makora, bwana.

²⁰⁰ Zanga, dona. Sono, mwanakazi wa ku Ethiopia, na mwanarumi mzungu, nkhanira ndendende ngati chinyake ngati icho awo wakakumana dazi lira, Yesu. Iwo wakawa na kusankhana mtundu ngati ndiumo iwo wakachitiranga Kumwera, kweni ise tirije ichi. Yesu wakaŵamanyiska iwo kuti ŵanthu wose wakawa ŵanthu wa Chiuta. Pakaŵavye mphambano, wonani, kwali iyo wakaŵa Muyuda panji Musamariya.

²⁰¹ Sono, usange Chiuta wakovwirenge yayi iwe, nkhanira mwasonosono kuphwanya viwanga uko kukupunduzgenge iwe. Kweni kasi iwe ukugomezga kuti Iyo wakovwirenge iwe, kukuchizga iwe? Ngati ndiumo mwanakazi wakachitira, rutanga ulendo wako ndipo ukaŵaphalire ŵanthu vinthu vikuru ivyo Chiuta wakuchitira iwe. Viri makora.

Sono, walipo dokotala wanozgeka kuti wasolore chimayi.

²⁰² Pachoko waka. Wanguwa mwanakazi uyu yayi. Sono, pachoko waka, waliyose chete sono. Ndi—ndi Satana, wanguyezga kuchita chinyake. Ichi chiri apa. Chakutupa, chakutupa, mose mwaŵiri. Uwo mbunenesko. Iwe uli na chakutupa, iyo wali na chakutupa, ndipo chiwanda chira chikupempha wowwiri kufuma kwa yumoza na munyake. Kweni Mzimu Mutuwa wachema, nayoso. Kasi iwe ugomezgenge njani, Iyo? Viri makora. Nyamuka fumapo pa bedi ilo, dona. Nyamuka fumapo pa kasalasila uyo. Fumapo pa uyo, ndipo gomezga. Rutanga, mugomezge Iyo sono. Amen.

²⁰³ Kasi iwe ukugomezga? Vinthu vyose ndi vyamachitiko. Kasi iwe ukugomezga? Mukuti uli imwe mu gulu? [Gulu na ŵara ŵagomezga waka wose wakusekerera—Munozgi.]

²⁰⁴ Tiyeni tiyimilire pa marundi ghithu sono nthena. Sono nthena ndi nyengo yakuti muchite ichi. Rekani munthu waliyose... Chiuta wamutumbikeni imwe. Rekani munthu waliyose wayimilire pa marundi ghake sono nthena. Perekani marumbo kwa Chiuta. Kwezwani muchanya mawoko ghinu.

²⁰⁵ Tikumuwongani Imwe, Fumu Yesu! Ise tikumurumbani Imwe chifukwa cha ukuru Winu, na machirisko Ghinu pa ŵarwari. [Gulu likusekerera—Munozgi.]



UKABONI PA NYANJA CTK64-0307
(A Testimony On The Sea)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Chisulo kumise, Marichi 7, 1964, pa Soul's Harbor Temple mu Dallas, Texas, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2020 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org